

宋

會

要

宋會要

秘書省

秘書省掌常祀祝板監闕即以朝官判祕閣官兼充
兩朝國史志祕書省判省事一人以判祕閣官兼凡邦
國經籍圖書悉歸祕閣本省惟掌常祭祀祝板而已書
令史一人楷書六人 太平興國二年始建崇文院昭
文館史館集賢院皆總為崇文院及建祕閣亦在崇文
院 元豐五年初以崇文院為祕書省事具職官志舊
建於禁中 紹興初復置權寓臨安府法惠字洎十四
年初新省於天井巷之左掌凡邦國經籍圖書常祭祀
板之事監一人秩正四品少監一人秩從五品丞一人
秩從七品著作郎一人秩從七品著作佐郎一人秩正

八品校書郎正字各二人秩從八品又叅酌舊制校書郎正字召試學士院而後命之自是採求闕文補綴漏逸而四庫書箱畧備即祕書省復建史館以修神宗哲宗兩朝實錄選本省官兼檢討校勘以待從官充修撰十五年倣唐十八學士之制監少丞外置著作郎佐祕書郎各二人校書郎正字通十二人立為定額又移史館於省之側別為一所以增重其事至九年修徽宗實錄乃即史館開實錄院事具實錄院分案有四曰經籍曰祝板曰知雜曰太史吏額都孔目官一人孔目官一人四庫書直官一人書直官一人表奏官一人書庫官一人守當官二人正名樞書五人守闕一人正係名六人守

闕係名六人監門官一人以武臣充專知官一人太史局文德殿鐘鼓院測驗渾儀刻漏所並皆隸焉 太宗淳化元年八月詔祕閣次三館祕書省仍舊隸京百司二年二月詔祕書省著作局掌撰祠祭祝文今定正辭錄三卷令祕書省依此行用自後凡正辭錄外有常例祭者著作局分撰或在京闕著作局官亦有祕書丞郎撰者 真宗景德元年十二月詔祕書省揀能書人寫祝板委祕書監躬親點檢謹楷不錯方得進御書名四年又令祕閣監書籍內臣同提點 大中祥符九年詔祕書監楊億判閣兼祕書省事億為正監不當更言判省閣有司憶也 神宗正史職官志祕書省監正四品

少監從五品丞從七品各一人監掌書籍國史天文歷數之事少監為之貳而丞叅領之凡其屬有五著作郎一人從七品祕書郎著作佐郎各二人正八品校書郎四人正字二人從八品開修時政記起居注修纂日歷祭祀祝辭則著作郎佐郎主之刊寫分貯集賢院史館昭文館祕閣經籍圖書則祕書郎主之編緝校定正其脫悞則祕書郎正字主之各以其職隸於長貳惟日歷非編修官不預歲於仲夏曝書則給酒食費諫官御史及待制以上官畢赴遇庚伏則前期遣中使喻旨聽以早歸大典禮則長貳預集議國朝待遇儒臣非他司比宴設賜予率循故事三館祕閣有學士判直或修撰校

理檢討官多領他司寓直其中 元豐五年職事官貼

職悉罷及官制行立為定員釐正其事分案四設吏八

太史局隸焉 哲宗正史職官志同 神宗治平四年

即位未 閏三月御史吳中言竊見先朝宰相韓琦等所

荐十人試館職而開封府界提點陳汝義別以奏對稱

旨亦與試漸至冗濫兼所試止於詩賦非經國治民之

急乞叅用兩制荐舉仍策以經史及世務勿用詩賦詔

兩制詳定以聞其後翰林學士王珪等言宜罷詩賦如

申言乃詔自今館職試論一首策一道 熙寧二年十

一月三日置崇文院校書始除河南府永安縣王溥升

恕乃詔今後應選舉到可試用人並令崇文院校書以

備朝廷訪問差使候二年取旨或除館職或陞擢資任或只與合入差遣三年五月十六日詔崇文院校書邢恕與堂除近地試銜知縣先是同知諫院胡宗愈言崇文院校書如未歷外官及不滿任者不得選舉昨邢恕以新進士除校書蓋是朝廷未有法制近聞新進士緣此奔走權要廣為道地乞自今須歷任乃除故上令罷恕四年十月二十九日集賢院學士史館修撰判祕閣宋敏求言伏見前代崇建冊府廣收典籍所以備人君覽觀而化成天下令三館祕閣各有四部書分經史子集其書類多訛舛雖累加校正而尚無善本蓋讐校之時論者以逐館幾四萬卷卷數既多難為精密務在連

畢則每秩止用元寫本一再校而已更無兼本照對故
藏書雖多而未及前代也臣欲乞先以前漢書藝文志
內所有書廣求本令在館供職官重複校正既畢然後
校後漢時諸書竊緣戰國以後及于兩漢皆是古書文
義簡奧多有脫誤須要諸本叅定欲乞依昨來校七史
例於京師及下諸路藏書之家借本繕寫送官俟其究
精以次方及魏晉次及宋齊以下至唐則分為數等取
其堪者則校正餘皆置之庶幾祕府文籍得以完善事
竟不行六年八月九日詔祠部員外郎集賢校理同修
起居注劉瑾為史館修撰充河北都轉運使史館修撰
帶出自瑾始七年詔置補寫所六月二十二日監三館

祕閣言看詳崇文院孔目官孟壽安所陳詔書內求訪
到書籍只各一部並未校正乞行校正仍差見補寫楷
書二十人將上件書抄寫四部均送逐館乞應街市鏤
板文字供錄一本看詳有可留者各印四本送逐館合
用紙墨工食錢依例下度支支乞不令諸處指定取索
館閣書籍並可與施行外欲將借本書庫原書籍添入
經史子集書數足備及準備閱覽其館閣書籍浩翰若
依所乞慮難抄錄科場借書外面無本方許於館閣權
借如遇殿試科場即館閣一面供書入殿從之 元豐
元年十二月七日祕閣校理蘇軾言每歲崇文楷書補
寫四庫書只令更人比校或致差悞乞應在館諸官點

檢校定而冀官各任責兼足以討論百氏之書開廣聞見遂命崇文院勘會四館書籍昨因置編校所逐館出借書籍供應校證多拘收不到應校勘官因此呼索不條陪填蛀艸補充逐庫書籍却成交互欲乞校勘官只許將已寫未裝及蛀艸書看校不許帶出從之二年四月十八日翰林學士右正言章惇判祕書省二年十一月十六日集賢校理王子韶言閤宿官過假日不許設火亦無燈燭緣舊日遇假多寡豁宿近來不許豁宿冬月寒冷宿直不便乞依班房例雖遇假休量與給火從之舊制當宿官房聽留燈火四年十一月詔太中大夫待制以上帶修撰者並罷是月廢編修院入史館五年

四月二十三日詔自今更不除館職見帶館職人依舊如除職事官校理以上轉一官校勘減磨勘三年校書減二年並罷所帶職館職舊例校理以上到館二年與通判三年與知州郎官已上遇大理許奏薦及校勘已上每任堂除到京請給俸供職不常參不入川廣雜壓官同以職支破職食錢及御厨食之類今既不除此例悉罷四月二十六日太中大夫龍圖閣直學士判將作監王益柔為祕書監奉議郎集賢校理知太常禮院林希為承議郎行祕書省著作佐郎宣德郎館閣校勘林希為祕書省校書郎祕書監及著作佐郎校書郎初除故具載之正字準此五月十一日詔祕書省於三省用

申狀尚書六曹用牒不隸御史臺六察如有違悞委言
事御史彈奏八月四日詔祕書省聽御史長官若言事
御史彈奏先是置監察御史分六察隨所隸察省曹寺
監而三省至內侍省無所隸故長官言事御史察之十
月十二日詔祕書省正字以上中書省差十一月十五
日宣德郎鄧忠臣為祕書省正字六年三月四日詔祕
書省長貳毋得與著作修纂日厯事進書奏狀即繫書
其關防漏泄並依舊編修院法六月四日詔集議大典
禮令祕書省長貳與九月十四日詔祕書省依諸司遇
大忌日不作假及不隨執政官早出七年五月一日詔
降授宣德郎葉祖洽為祕書省校書郎祖洽初除知湖

州以上批祖洽熙寧首榜高第可與祕書省職事故也
十七日詔著作暫闕官校書郎或正字兼權 哲宗元
祐元年三月二十八日詔職事官許帶職其班序雜歷
依職事官如職高於寄祿官並以職為行守試應緣職
添支除酒外餘不給內集賢殿修撰直龍圖閣直集賢
院校理以上職今後內外官並許帶除職食錢并理任
外其餘恩數並依官制已前條貫四月二日祕書省言
三館祕閣內有係國子監印本書籍乞今後有關卷蠹
壞者並令補印及有新印書籍亦牒本送逐館收藏從
之十四日詔曰朕惟古之君子能長育人才則天下喜
樂之矣詩曰既見君子樂且有儀今天蘭臺延閣皆圖

書祕記之所藏而校讎論譌位序多闕永惟祖宗樂育
賢雋嘗詔二府薦士置之祕府養其德器以待試用朕
甚慕焉執政大臣吾之所甚重也宜各舉文學政事行
誼之臣可以充館閣之選者三人亟以名聞朕將考觀
其才器而甄陞之二十六日詔執政官所舉充館閣人
內有舉到選人者如試中與除祕書省正字依太學博
士例改官候供職及四年除祕閣校理未改官者須改
官日除五月詔祕書省自有職事官其舊帶職及今後
除授校理以上職並不供職十月十六日詔應試中館
職者內選人除試正字改官請俸等並依太學博士法
未陞朝官除祕閣校理正字供職四年除祕閣校理仍

候改寄祿官日除授校書郎供職二年除集賢校理祕書郎著作佐郎比集賢祕閣校理著作郎比直集賢院直祕閣應校理以上未有兼領職事者並於祕書省供職輪宿依舊例給職食錢并破御厨食有兼領者遇本省迎駕起居及議論事並預二年六月八日祕書省言昭文館黃本書籍已編寫了當撥與祕閣收藏其史館集賢院未有上件書籍祕閣定本內名件及卷秩多闕見今祕閣黃本亦多有闕有旨令先將定本補足闕少名件校對無差即先補寫祕閣黃本內有印本者印補充乞在省官與供職校理分校祕閣所藏黃本書補完校正仍乞將崇文總目比較無缺少書即別造帳目合

用黃白池紙及裝背綾絹之類依料次下合屬庫務供
送內館閣無本及不堪者許於龍圖天章寶文閣太清
樓及諸官司關借合要印本書下國子監用黃紙印造
元係諸州軍印本許從本省牒戶部下本處印造舊崇
文院每月破公使錢七十貫菜盤錢二十貫欲比附共
破錢四十貫充裝背黃白紙竹麪糊所須之物并官員
茶食果子之類費用舊編校每月各破茶湯錢十貫今
本省官已有職錢在館供職校理取朝旨舊編校所楮
書五十人今乞差三十人手分四人抄寫人不許諸處
抽差及免騰錄依所請外破錢每月支三十貫在館校
理如無兼領每月各支錢十貫八月祕書省言舊例逐

員每月校對書籍功冊葉背面二十一紙契勘既已校對黃本其本省見置補寫書籍局合行減罷有旨校書功依例補寫書籍局減罷十月十六日詔祕書丞及三年除祕閣校理三年二月二十八日詔唱名曰祕書丞著作郎佐郎校書郎正字依館職例入殿祇候七月太皇太后遣使賜館閣祕書省官果實食物五十合坤成節獻香合故也興龍坤成二節香合祕書省長貳待制已上自依本官例投進祕書省以附館職及見帶職非職事官依舊投進八月以翰林學士左朝議大夫知制誥許將提舉黃本書籍給食錢十貫九月復試賢良極諫科于閣下十一月四日三省言在京堂除差遣累有

寺

增改而吏部缺少官多今裁定祕書省正字館職校理
以上並中書省差四年正月二十六日詔館閣官赴太
常寺聽范鎮雅樂四月二十四日太師文彥博與宰相
執政官同至祕閣觀書因宴犒儒士皇帝太皇太后遣
中使傳宣賜太師宰相已下茶一十二斤密雲龍十片
御酒各二瓶子各一合九一十提舉黃本翰林學士茶
七片密雲龍六片御酒一瓶法酒一瓶果子一合五一十
館職官茶各四片密雲龍法酒各二瓶子各一合五一十
都監法酒各一瓶法糯酒各一瓶果子各一合五一十監
書庫官法酒一瓶果子一合五一十五月祕書省言館閣
久例於曝書月分有飲食聚會及請召兩制已上官昨

因任支公使錢後來累年廢罷乞今後每年許於曝書
月分聚食一次仍乞請尚書學士侍郎待制至兩省依
太常觀樂近例令所司移具變料赴省仍約舊例量破
錢相兼支用有旨並依仍特支錢一百貫文相兼支用
是月祕書省言崇文總目內書籍是將四館分書併合
著錄自來逐館分書多少不等每處未有全依得總目
內數目者今既先用黃紙書一本充祕閣收藏即自嘉
祐中編校後來所寫書本尚猶未能足數即今見行添
補欲將祕閣先退下舊白本及諸館分舊書或兼本者
亦依崇文總目編次一本充史館收藏其餘接續編次
集賢昭文內集賢一本充諸處借取外其餘更不得借

出又江南西川荆南兩浙等書並是祖宗初平僭偽收取入館可惜散失將盡今欲不拘全與不全並於下庫收貯內有唐朝零碎舊書仍乞別藏祕閣又近世書并家籍等多是一時獻到送付祕閣乞別作一帳收係內有名賢著述亦別謄寫其餘即於空閑庫分收管從之七月四日吏部言祕書省官三年為一任復置館閣校勘正字四年成任丞滿除祕閣校理校書郎滿除集賢校理並謂陞朝官知縣已上資序之人餘除館閣校勘候及上項官及資序改校理校理已上資任依官制以前法到館一年與通判一任回并到館三年與知州已係通判資序即二年與知州祕書省官關陞不用舉主

著作郎佐郎祕書郎並除陞朝官知縣已上資序人祕書省牒吏部施行餘如舊制任滿日著作郎除直集賢院佐郎祕書郎除集賢校理從之十二月詔無出身人帶館職者特加左字五年六月四日詔祕書省見校對黃本書籍未了可添一員以明州定海縣主簿秦觀充三年理為一任滿日依太學博士條七月正字晁補之李昭玘陳察除校書郎始用尚書省黃牒自元豐官制行祕書省官用告除授至是始用黃牒六年四月太常博士陳祥道除正字亦只降黃牒九月二日祕書省言正字四年除祕閣校理校書郎著作佐郎任滿除集賢校理正字張來到省三年七月除著作佐郎陳察李昭

紀晁補之合是三年七月並除校書郎乞用新職通理
詔晁補之李昭^內紀陳察張來並許將正字年月四日比
三日於今任用通理十六日詔復置集賢院學士六年
八月十六日以權工部侍郎李周為之詔集賢院學士
如曾任權侍郎已上人充者立班雜壓並在太中大夫
之上十二月十八日殿中侍御史岑象求言近歲祕書
省多務燕閒少親讎校請定校讎之課詔令礼部祕書
省長貳詳度以聞於是每員復命校冊葉背面二十一
紙月終具奏仍乞降考功按唐祕書省式讎校舊本書有
注錯多者長功日十紙中功日九紙短功日八紙錯少
加二紙無注又加二紙再校各加初校三紙其正字刊

余疑餘

正各校三紙余準此事見法鏡六年二月十七日詔兼
它局官並間日入館遇入館日依條校對從集賢校理
權判登聞檢院李德芻言舊來兼它局者校書日十板
也三月祕書省言三館舊有都監兩員並差內侍轉出
大使臣先準特旨差到供奉官王道李永言逐官並係
內中祇應有妨本省坐局緣逐日楷書功課並有出納
並係都監專管難為時暫闕人乞權依例添置一員詔
令吏部權添差內臣大使臣一名李永言使闕日更不
差人二十三日詔賞花釣魚賜宴祕書丞校書郎正字
許赴坐舊制賞花釣魚賜宴三館祕閣修撰直館校理
赴坐五月十二日詔祕書省校書郎黃裳供職及二年

為集賢校理六月提舉黃本蘇軾言秘書省官每日校書背面二十一紙準入內黃門黃洙傳聖旨秘書省入伏午時住修文字末伏依舊欲乞於所校功課減半候過末伏日依舊從之十月秘書省言左宣德郎充館閣校勘權通判杭州廖正一先得朝旨許通理在秘書省月日依正字條施行本館於元祐二年十一月八日供職至今年十一月八日通理已及四周年十一月詔除祕閣校理七年三月七日秘書省言本省節次添差到校對黃本書籍官共五員即未有京朝官關陞資序選人改官及比附舊例立定年限遷除條式有旨承務郎以上到任三年理為一任與除正字選人並依太學博

士條改官四月四日詔納皇后校對黃本選人令陪位
從本省申請也五月詔館職磨勘令吏部依監司職事
官檢舉是月詔權西京留守判官祕書省校對黃本書
籍常立特派差陳州州學教授仍許通理校對黃本書
籍月日依太學博士改官十二月兵部言祕書省正字
王任中都省乞給假歸成都府般家赴任乞於成都府
差人本部看詳般取家屬條監丞以下七人雜壓正字
在監丞下於條不該差緣本官係館職乞比監丞差破
有詔比附監丞條行十九日祕書省言高麗國近日進
獻書冊訪聞多是異本館閣所無乞暫賜頒降付本省
立限謄本乞即時進納元本別裝寫祕閣黃本書收藏

詔降付祕書省仍令本省謄寫校正二本送中書省尚書省及別謄寫校正二本送太清樓天章閣收藏紹聖元年三月二十三日殿中侍御史來之邵言集賢院學士之職自先朝以來體制與諸直館頗同頃自李周以權侍郎罷除集賢院學士出守外郡方有指揮曾任六曹侍郎者立班在太中大夫之上其後奏薦班列並同待制望賜詳酌詔令後除集賢院學士曾任權侍郎以上者立班雜壓封贈在中散大夫之上其餘恩數儀制並依中散大夫餘人立班雜壓在中散大夫之下蔭補依朝儀大夫官高者從本條閏四月二日詔罷祕書省校對黃本以元祐所置故罷之十月三日詔自今館

職依元豐例許射吏部闕二年二月十六日左宣德郎校書郎葉濤為著作佐郎詔元祐四年七月著作郎佐郎祕書郎並除陞朝官知縣資序人指揮勿行三月一日御史中丞黃履言校書郎葉濤為著作佐郎除陞朝官知縣資序人條不行竊謂去年敕榜都堂有前執政因人立法因人亂法今乃倣而行之而御史常安民亦論不當除授詔濤依舊為祕書郎四月詔職事官罷帶職非職事官仍舊許帶易集賢院學士為集賢殿修撰直集賢院為直祕閣集賢校理為祕閣校理見帶人並改正元符二年六月二十四日大理少卿同詳定一司敕令劉賡乞將官制勅令格式送三館祕閣收藏從

之十一月十三日三省言按元豐五年四月詔見帶館職人依舊即不供職如除職事官校理以上轉一官校勘減三年磨勘校書減二年磨勘並罷今後更不許帶館職詔集賢殿修撰直龍圖直祕閣依舊外餘依前詔三年四月九日徽宗即位未及元朝散郎祕閣校理知蘇州陳師錫為朝請郎殿中侍御史以罷館職故特遷一官十二月十二日詔就祕書省置局編修國朝會要 徽宗崇寧二年五月四日礼戶部言校書省見謄寫三館書籍充祕閣書至今一十七年裝褙成書共二千八十二部所謄寫者據三館帳籍猶有一千二百一十三部及闕卷二百八十九卷未寫元立楷書係三十人額每月

各人支錢三貫五百文每日寫字二千五百若使工課如限內即三十人所寫除假外一年計可寫四百有餘萬字今一十七年尚未寫畢顯是自來點勘疎畧致得因循虛費請受今來乞立程限從之五年二月七日詔翰林學士兩省官及館閣今後並除進士出身 大觀三年正月二十八日翰林學士強淵明奏冊府聚古今圖書九流百家莫不咸在而本朝正史獨闕實錄則又止于太祖太宗真宗三朝而仁宗英宗神宗哲宗四朝實錄不預焉乞賜詔旨繕寫降付具列於圖書之首詔以仁宗英宗實錄藏於祕閣輒傳錄者依實錄院法四年五月七日祕書監何志同奏漢書七畧凡為書三萬

三千九十卷隋所藏至三十七萬卷唐開元間亦不下
八萬九千六百卷慶厯間嘗命儒臣集四庫為籍名之
曰崇文總目凡三萬六百六十九卷慶厯距今未遠也
試按籍而求之十纔六七號為全備者不過二萬餘卷
而脫簡斷編亡散闕逸之數寔多謂宜及今有所搜採
視慶厯舊錄有未備者頌其名數於天下委逐路漕臣
選文學博雅之士加意求訪總目之外別有異書並許
借傳或官給筆札即其家傳之就加校定上之策府此
外更有諸處印本及學者自著之書臣僚私家文集願
得藏之秘府者皆許本省移文所屬印造取索從之
政和四年四月十四日龍圖閣學士提舉醴泉觀兼侍

讀編修國朝會要詳定九域圖志充編類御筆札制局
詳議官蔡攸奏伏見祕閣所藏祖宗實錄國史所有真
宗正史與仁宗英宗神宗哲宗正史實錄並闕乞詔國
史院祕閣見闕國史實錄各繕寫一部頒付本閣收藏
仍不許本省官及諸處闕借抄錄雖暴煦點校亦不得
輒將擎下閣詔令祕書省差人赴國史院書錄餘依奏
同日又奏本省官校勘書籍元承朝旨令長貳總領丞
著作郎祕書郎著作佐郎校書郎正字每員日校書籍
冊葉背面二十一紙以經史子集次序成部分校仍逐
官各置課程簿一面將校過書籍上簿十日一次具校
過書籍名件葉數申省抄上都課程簿委長貳點檢至

月終類聚申尚書省今點檢本省雖有都課程簿從來不曾抄轉如此無由關防校過功課今欲乞令祕書省依已降指揮在省官各印給課程簿一面經籍按季專差人吏掌管據在省官每旬具校過書籍名件葉數申省抄上都課程簿委長貳點檢至月終攢類都數申尚書省所有課程簿如不抄轉其掌管人吏從杖一百科罪官員具名申尚書省仍許御史臺及季點官取索點檢又契勘祕書省見補完三館祕閣書籍元得朝旨先自昭文館為始續補祕閣等臣看詳所補書籍合先將諸庫所有門類考校少剩相補外據所闕數補完如昭文館經史庫闕書而集賢院經史庫有二部即可以互

相補完更不須書寫今相度欲乞委祕書省先將三館
祕閣諸庫帳內部秩考校多寡除留一部收藏本館外
餘均以次闕書館分互相補填訖其尚有關數即依已
降朝旨先自昭文館為始續補以次館分內有印版者
即補印更不抄寫如此不惟減省功力庶免重複又契
勘祕書省所隸昭文史館集賢祕閣所管職事關防書
籍之類各有奉行條令自來併修入祕書省法本省從
來不曾釐析亦不曾騰下逐處致防檢用顯未允當欲
乞令祕書省將昭文史館集賢祕閣合用條令抄錄成
冊頒降逐處遵守施行並從之七月二十六日蔡攸奏
契勘祕書省大門舊條差皇城司親事官節級一名長

行五人把門并投下文字及提舉洒熄火燭掌管頭及
常是差填不足今來已降指揮書等出入並監門具單
子搜檢出出入等若差人不足即為虛文而已乞添差
節級一名長行三名內二名識字分兩番把門搜檢并
抄轉出入文歷投下文字及照管洒熄火燭掌管頭及
祇應日支食錢依已得指揮契勘三館秘閣書籍庫係
應奉掌管承受御前并朝廷取降書畫古器瑞物等及
諸處關借書籍並係庫子管勾今來止有庫子三人顯
見勾當不前及請給微薄自來少有願就之人欲乞昭
文史館集賢院秘閣每館各以庫子二人為額並委三
館秘閣依條招收分送逐館庫祇應其請給比附大官

局庫子則例支破從五年四月八日上詣景靈宮朝獻
還幸祕書省詔曰延見多士歷覽藏書之府典謨訓誥
與祖宗遺文皆在又以館天下之儒學而屋室淺狹上
漏旁穿若不足以容甚非稱太平右文之盛可令書藝
局重行修展仍等第推恩支賜十一日詔祕書省殿以
右文殿為名本無集賢殿其修撰改為古文殿修撰十
三日詔祕書省職事官并見在省貼職官各轉一官選
人比類施行轉不行人回授有官有服親人吏專知官
各轉一官有資各轉一資無官資可轉依條例比換支
賜以駕幸推恩也八月十二日詔祕書省移於他所以
其地為明堂十一月七日蔡攸奏契勘祕書省奉御筆

遷移於新左藏庫本省見推寓西府空位緣祕書省舊在皇城内其火禁並依皇城司法今既遷出未有法禁今欲乞在省官冬月溫硯火每一直舍及聚廳處各共設一爐翰林司一爐其厨內造食火食畢先次洒熄直宿官許存留燈火並置厯輪差當日直宿人吏與打火親事官監視取火及照管洒熄若不應存留而輒存留者徒二年因而遺漏者流三千里雖應存留而隄防不嚴致遺漏者亦同打火掌管人與同罪當宿官吏專副巡防人減二等雖落宿與宿同事理重者奏裁如允所請將來遷入新省亦乞依此施行兼契勘新省東牆外逼近居民昨係左藏庫日已有開封府立定民間失火

條令仍乞依舊施行詔火禁並依皇城法六年二月七日蔡攸奏祕書省長貳五日輪一員正旦寒食冬至節假并入伏不輪丞以下日輪一員直宿若請假即輪以次官參假日補填置歷抄轉長貳每旬點檢覺察月具直宿請假官員數職位姓名報御史臺人吏諸色人直宿別置歷日押當宿官每旬長貳點檢覺察如有請假事故即當宿官驗寔給假告報以次人候參假日補填職掌二人孔目官專副至守當官通輪樞書人二名正名樞書至守闕通輪裝界作一名庫子二人翰林司一名厨子一名親事官四人剩員五人從之八日詔道錄院見隸屬鴻臚寺本寺掌蕃夷朝貢等事金狄之教正

當純治之其道教當改隸祕書省七年五月四日詔宣
和殿學士蔡攸專一提舉祕書省十一月十四日祕書
省校書郎孫覲奏太宗建崇文院為藏書之所景祐中
仁宗詔儒臣即祕書省所藏編次條目所得書以類分
門賜名崇文總目神宗始以崇文院為祕書省釐正官
名獨四庫書尚循崇文舊目頃因臣僚建言訪求遺書
今累年所得總目之外凡數百家幾萬餘卷乞依景祐
故事詔祕書省官以所訪遺書討論譌次增入總目合
為一卷乞別製美名以更崇文之號從之仍命覲及著
作郎倪濤校官郎汪藻劉彥適譔次日祕書總目八年
正月二十六日提舉祕書省道錄院蔡攸言踏逐到闕

闔門外西排岸司止有小屋二十餘間及相隣軍器所
梁木場地步可以修蓋提舉祕書省左右街道錄院從
之四月二十九日尚書工部員外郎滕康奏乞祕閣四
部之書以祕書掌之列史館于左以法東觀凡四庫之
書以校書郎正字掌之分總刊正出納之事從之九月
十七日臣僚上言臣伏觀方今天下太平濟濟多士上
自常伯下逮百執宜左則左宜右則右無施不可惟館
職之任議者每患其難豈非清官美職皆萃于是而搢
紳儒者責望為重歟且祕書丞清官也術業不修若姚
莘者為之可乎校書郎美職也行義無聞若孫會者為之
可乎吳次賓之趣探卑汙胡國瑞之專事口吻丁彬馬

之美之才資聞葺葉域之問學膚淺憑恃門閥有如趙永裔黃緣親黨有如周審言又其甚者如孫悟之傲狠暴戾嘗麗刑書然則澄汰之道庸可已乎至如總領之任尤須老成雖躡取科名而學術未優資望素輕而懦不更事如鄭億年者乃為少監誠恐未足以壓服多士也詔鄭億年已降處分除祕閣修撰提點上清寶錄宮外餘姚莘等九人並罷送吏部與合入差遣 重和元年十二月十四日中書省言勘會中書熙寧館職條校理已上到館一年與通判一任回并到館三年並與知州如已係通判資序即二年與知州自奉行官制後來其祕書省官即未有立定到省年限許理資任之法今

以熙寧舊法參酌擬參下條諸著作郎至佐郎到任及
一年承務郎以上任校書郎及二年與理通判資序著
作郎佐郎以上滿三年與理知州資序及二年與理通
判資序已條通判資序及二年校書郎已條通判資序
及三年者准此右八三省尚書吏部通用今詔依宣
和二年七月二十五日臣僚上言伏覩近修立三省吏
部通用令係以熙寧舊法參酌詳定臣竊觀熙寧館職
條理以上到館一年與通判一任回并到館三年並與
知州已條通判資序即二年與知州未嘗有許理寔歷
通判知州資序之文熙寧間任館閣者不過三數人而
已尚乃靳惜如此今右文之時儲養英旄人才輩出自

校書著作以上皆得寔理通判知州資序臣竊以謂過
矣伏望聖慈特降睿旨應館職除擢不以次及許陞等
除知通差遣外其理資序指揮乞賜詳酌施行詔依奏
並依熙寧法九月二十三日祕書省奏今來新省已成
未有巡防洒熄兵級乞下侍衛步軍差撥防守詔依奏
差三十人十一月十三日中書省言祕書省官令中書
省立定員額將上取旨中書省檢會元豐年除監一員
少監一員或只除少監二員丞一員及供到皇宋館閣
錄卷第四叙事 元豐五年五月釐正官制崇文院易
以祕書省之榜官屬監一少監一丞一著作郎一佐郎
二校書郎四正字二勘會元豐四年曾除佐郎三員別

無定制今立定員額下項監少監丞欲並依元豐舊制
著作郎佐郎欲四員為額校書郎欲二員為額正字欲
四員為額詔依擬定以先到人為額今後遇闕差填額
外人候別有差遣更不差人十二月二十二日守侍御
史張申奏臣竊觀祕書新省宏壯華麗乞詔鴻儒撰述
記序刻之翠琬特頒宸翰賜以名額詔差王安中撰三
年九月二十日祕書少監翁彥深等奏契勘三館祕閣
集賢庫唐人文集至多本朝名臣大抵以文章顯罕得
與祕府之藏蓋由自來不曾取索欲乞下諸路轉運司
取索建隆以來名臣文集委所屬州府軍監繕寫起發
赴祕書省收入帳籍以垂不朽從之四年二月二十九

二
三

日東上閣門奏勘會將來聖駕幸祕書省賜茶聽旨如
有旨賜茶合赴官赴坐外所有本省監少赴坐取聖旨
詔祕書省官並赴坐三月二日幸祕書省御提舉廳事
再宣二公宰執親王使相從官觀御府書畫既至上起
就書按斜倚觀設按御榻
前尋丈許左右發篋出御書畫公宰親
王使相執政人賜御書畫各二軸十體書一冊公宰使
相有別
在賜者不
在此數於是上顧少保蔡攸分賜從官已下羣臣環

聚雜還肩摩跡縈至或闕首人中爭先覩之為快少保
攸手自付予人得御畫行書草書各一紙又出祖宗御
書及宸筆所摹名畫與古畫法書令得縱觀從官復還
聚雜還餘官有不得前者捧所賜拱立人後上顧見詔

左右益設書樓東間指畫所置處俾皆得與觀以示恩

意

此四字
聖語云

左右奔走設案唯謹上命保和殿學士蔡條

持真宗皇帝御製御書聖祖降臨記及宸筆所摹展于

虞畫北齊文宣幸晉陽圖於所設樓展示既迺出御墨

賜羣臣靈臺即奏辰正三公宰執已下逡巡請退

蓋辰正則

將進上命以墨付太宰黼分賜皆拜庭下以次出是日

再宣觀御府書畫賜御書畫公宰至侍從已下凡五十

六人庶官特召者九人初車駕將幸祕書省命提舉官

選日以聞宰相先朝按視前臨幸一日祕書省官提舉

官屬習儀於本省至日開省西便門東御廊上

便門非
幸門不

開質明提舉官已下至正字及貼職道史官以次班祕

書省門外西向北上車駕出宣德門從駕官如常儀車

駕垂至西便門在省官迎駕再拜是日特宣太師至亦

輦入皇帝御道山堂幄次俟班齊羣臣既班右文殿下

皇帝御殿閣門奏宣太師致仕蔡京至起居畢在省官

再拜起居祕書少監少前提舉三館祕閣梁師成以手

詔授祕書少監致詞復位在廷皆再拜迺移幸祕閣宣

羣臣觀書及古器累朝國史實訓御自宰執至在省官

立庭下班首奏聖躬萬福再宣示手詔訖以次陞皆得

以縱日上再御右文殿賜茶侍從官已上賜坐殿上祕

書少監已下用中整坐東廡太學賜茶起趨庭下在省

官再拜謝恩退在省官轉官賜章服者皆上御提舉

廳事別宣召臣僚觀御府書畫傳呼置笏皆置笏及入

方聲折庭下詔母拜

要喝

以次陞既受賜皆再拜庭下

以次出錫服者受賜殿門外

管秘書少監翁彥深王時雍

奉祕書省管勾文字馮溫舒徐時彥皆改賜章服

進膳已車駕幸太學四月十

八日詔朕若稽古訓祗率先猷肆命臣工載新祕府比

因萬機之暇命駕臨觀重惟三館圖書之富而歷歲滋

久簡編脫落字畫訛舛較其卷秩尚多逸遺甚非所以

示崇儒右文之意朕甚憫焉迺命建局以補緝校正文

籍為名設官綜理募工繕寫一置宣和殿一置太清樓

一置祕閣仍俾提舉祕書省官兼領其事凡所資用悉

出內帑母費有司庶成一代之典願不遑與同日又詔

朕惟祕閣古號藏室爰自書契以來河洛之文三墳五
典八索九丘之書下至諸子百家之說收羅蘊崇皆存
不廢若乃綜理經籍考合異同與夫掌邦典方志之職
官悉備焉粵我太宗皇帝底定區宇作新斯文屢下詔
書訪求士逸冊府四部之藏庶幾乎古歷歲寢久有司
翫習多致散缺私室所闕庶或不傳豈宜承平尚有闕
典可令郡縣搜訪許士民以家藏書自陳當優與支賜
或有未見之書寔可觀采即命以官若訪求最多州縣
亦具名聞庶稱朕表章闡繹之意五月六日提舉祕書
省言三代以來古文奇字見於鍾鼎銘識至若紀述一
時之事亦著在金石遺刻願詔諸路博訪從之六年九

月十九日中書省言補完校正御前文籍欲併歸祕書省止令館職校勘從之七年二月二十日提舉祕書省所奏據祕書省中契勘本省昨蒙措置到監門官二員緣見任人各係兼職并非時差出外路勾當不得專一在局深慮別致闕誤乞添差監門使臣二員輪番宿直許本省踏逐小使臣差填其請給人從等並依三館祕閣書籍庫兼監門官體例已降指揮施行詔依奏已上續宋會要 高宗建炎三年四月十三日詔祕書省權罷 紹興元年二月十九日詔復置祕書省權以祕書監或少監一員丞著作郎著作佐郎各一員校書正字各二員為額四月十四日詔祕書省合撰樂章贊頌

敕葬勅祭文夏國人使到驛宴設教坊白語刪潤經詞
及答高麗書本並依舊制長貳分請官撰同日詔祕書
省所轄太史局測驗渾儀刻漏所文德殿鐘鼓院長貳
丞郎輪季詣點檢內有係在禁中置局者前期報皇城
司及經由門戶聽入同日詔本省官正字通除京朝官
選人內選人到任一年有四考許自陳據狀奏聞如合
入官其省官不替人 隆興元年八月七日詔祕書省
正字張宋卿乞將前任連州教授兩考零一箇月二十
七日通理今任月日成考又乾道三年五月二十五日
詔正字李遠乞將總護使司監犒設錢物庫零考五十
五日通理今任七箇月零二十二日揆及一年歷任實

及四考改官並特依同日詔祕書省權置書庫官二人
楷書十人候就緒日具元額申尚書省裁定十五日詔
祕閣書除禁中外並不許本省官及諸處關借雖奉特
旨亦不許 紹興二年三月十九日太常寺及四月十
六日講筵所各請關借書籍詔特從之六月十二日詔
應祀祭天地社稷祝文令祕書省依舊修撰書寫請降
先是罷祕書省令礼部郎官并太常博士分撰至是復
之十一月七日詔祕書省依舊制日輪官一員止宿遇
請假驗寔即以次官長貳五日一次點宿二年三月十
六日詔祕書省降下書籍依舊制分四庫撥充祕閣置
進帳副帳門牌庫經一本仍分官日校二十一板於卷

尾親書臣某校訖仍置課程簿每月結押旬申本省入
伏傳宣住校詳見勅諭三年五月十三日禮部言祕書省
人額比附史館以點檢文字孔目官四庫書直官書直
言表奏官書庫官各一名守當官二人正名楷書三人
守闕一人正係名五人守闕係名五人投名人不限人
數已上點檢文字以孔目官遞遷補充理二年半出將
仕郎正名楷書至頭名理七年出將仕郎孔目官至守
闕請給並依史館支破正係名守闕係名投名人不限
數並不支破請給其立到前項守闕以上人額據見在
人不名目高下比附從上撥填試補同等者以試其點
補年月先後其點
檢文字依舊為都孔目官從之先是有詔許本省權置

書庫官楷書共一十二人權住遷補候就緒日具元額
裁定遷補繼而正名楷書王孝忠等狀乞依舊遷補至
是禮部裁定故有是命六月十九日詔祕書省添補正
名楷書二人共作五人依年限補至頭名理四年出將
仕郎四年四月十六日詔館職除郎官見兼著作郎二
員外仍以六員為額六月十八日詔祕書省增置祕書
郎著作佐郎各一員校書郎正字各二員從禮部侍郎
陳與義之請也五年八月三日詔館職依祖宗故事通
以十八人為額著作郎二員祕書郎二員著作佐郎二
員校書郎正字通除一十二員九月四日詔進士唱名
日除省試官外館職依舊制殿上侍立自政和以來浸

秦舊制令立殿下至是著作佐郎李懋有請從之六年
八月四日詔四庫書直官依史館第二名書庫官例入
品八年八月二十一日詔史館添差校勘官一員以正
字常明兼充從給事中兼史館修撰勾濤之請也九年
九月四日詔祕書省官警校國朝會要逐官每月添給茶
湯錢二十貫文十三年二月一日詔祕書省依故事四
庫書籍各輪本省官二員掌管不許借出七月八日詔
祕書省依麟臺故事每歲曝書會令臨安府排辦正言
已上及舊條館職行在貼職皆赴坐從知臨安府王暉
之請也十二月十二日詔兩浙轉運司建祕書省先是
復省止寓法惠寺至是重建從祕書丞嚴抑之請也十

四年三月二十九日詔諸州軍應有開板書籍並用黃紙印造一部發赴祕書省五月賜御書祕閣右文殿牌仍詔將作監米友仁書道山堂額七日詔祕書省火禁並依皇城法至十五年五月八日詔人吏宿房并門首遇夜聽留燈火二十八日祕書省復置補寫所以祕閣成書寫校勘黃本書籍也本省條具一舊制書寫楷書並係本省守闕條名正條名各五十人為額一楷書課程舊制每日書寫二千字遇入冬書寫一千五百字並各置工課手歷每日抄轉書勘點檢月終結押長貳一本所管有點檢文字一名雜務書庫官一名書勘書官二人並於本省人吏內選差其行移取會等並書押本

省長貳丞郎一合用紙扎等並下雜買務收買詔守闕
係名正係名通舊管各置一十人為額餘並從之七月
九日祕書少監游操等上表請車駕幸祕書省詔令學
士院給降勅書二十七日車駕幸祕書省其日常御殿
知閣門官以下并內侍知省御帶修注樞密院諸房逐
房副丞旨諸司祇應武功大夫以下一班闕班立定分
引宰臣使相樞密侍從兩制正任宗室遙郡以上履笏
相向立閣門報班齊皇帝出殿下鳴鞭行門禁衛諸親
從內侍省執骨朶使臣並迎駕自贊常起居次知閣門
官以下宣名常起居皇帝坐次宰臣以下闕班宣名常
起居次管軍一班宣名常起居皇帝起鳴鞭乘輦將至

祕書省本省官吏并實錄院官吏迎聖駕起居訖皇帝至道山堂御幄降輦俟進食畢催班右文殿下先知閣門官以下并內侍知省御帶修注祗應官等面北立定報引宰臣使相樞密侍從正任以上殿下相向立定并報引提舉祕書省以下相向立定皇帝坐先知閣門官以下并內侍知省御帶等宣名奏萬福訖各歸侍立祗應位知閣門官殿上當頭奏宣到太師魏國公秦檜以下次舍人分引太師以下宣名奏萬福訖知閣門官宣陞殿再揖太師以下躬兩拜訖分引至殿下揖陞殿侍立次提舉祕書省官以下宣名奏萬福訖且立定候御藥降階以手詔授提舉祕書省官跪授訖提舉祕書省

官以下兩拜訖退皇帝起詣祕閣宣羣臣觀其累朝御

書御製書畫古器等

祕書少監以下閣下侍立

俟觀書訖先退赴右

文殿立班定皇帝復坐右文殿候殿上御藥傳旨宣坐

賜茶如儀分引太師以下并合赴坐官面殿揖躬兩拜

訖分陞席後直定次分引祕書少監以下揖躬兩拜訖

分陞兩廊席後立俟賜茶訖降階逐班各兩拜退

如殿上

藥傳旨或有推恩或改

當殿兩拜謝恩訖退殿門外服所賜

章服官引皇帝起歸幄更衣

臣僚繫鞋從駕還內如來儀是日詔祕書省實錄院官

各轉一官祕書少監仍緋章服并御書扇監修國史提

舉實錄院太師尚書左僕射秦檜依昨監學成書體例

推恩令學士院檢舉降制又詔祕書省實錄院人吏及

諸廳供檢文字天文官三省樞密院供檢至諸色祇應
等人如有官人與減二年磨勘內未有名目人依國子
監例賜錢六百貫文皆以幸省恩也二十六年十二月
二十九日詔祕書省額內正係名守闕係名共減罷六
人各以七人為額其召募權楷書二人私名一人並減
罷以裁定百司吏額也二十九年三月詔祕書省人吏
正係名以上依六曹正名貼司例七年比換副尉其後
臣僚言今後除六曹寺監人吏特與七年比換外其餘
申請並依舊制從之以上中興會要 孝宗紹興三
十二年紀即位十一月二日詔館職學官祖宗設此儲
養人材朕亦欲待方來之秀不可定員數國子十二

月八日詔祕書省職掌各減一年出官該遇皇帝登寶位也隆興元年五月七日詔祕書省人吏自入仕遷至都孔目官滿一年半零半月通入仕及二十五年以上依條解發出職祕書少監胡銓等言本省人吏舊制係兩項出職一項守當官補至都孔目官理二年半一項正名楷書頭名理四年並不理年限解發出職昨勅令所將兩項條法併作一項修到條諸正名楷書自補授至遷補都孔目官年滿日通及二十年以上許出職又條都孔目官滿一年半零半月出職緣却有至解發出職日方及六年若依新法以二十年出職即是坐占職級名闕一十四年積壓下名遷補不行檢準紹興

重修勅諸稱省者謂門下中書後省尚書六曹祕書省
今來六曹人吏有自入仕補至主事通入仕及二十年
出職去處緣本省依條係與六曹一等官司乞依六曹
例通入仕及二十年解發出職庶得下名遷補通流不
致積壓吏部勘會照得六曹主事出職格法內有立定
理頭名主事年限及通理入仕有用二十年或二十五
年解發補官體例不等今欲將祕書省人吏比附六部
開曹去處自入仕遷至都孔目官滿一年半零半箇月
通入仕及二十五年以上依條解發出職補將仕郎從
之十九日詔祕書省係育材之地且以七員為額不妨
兼領他局八月三日祕書省狀依指揮條具併省吏額

見管人吏乞將額內正係名七人守闕係名七人從下
各減一名共減二人今後各以六人為額所有遞減正
係名守闕係名緣為已經試補遇將來額內有闕却依
名次從上撥填詔依見在人且令依舊將來遇闕更不
遷補八日詔祕書省除少監祕丞外以七員為額同日
詔左從政郎祕書省正字鄭伯熊差監潭州南嶽廟依
昨罷敕令所刪定官日例許通理候合改官依今任條
格施行以伯熊言久病之餘羸劣已甚已降指揮省官
七員為額乞行減罷陶鑄嶽廟差遣一次故有是命二
年閏十一月三日詔今後館職並依祖宗舊法更不立
額以中書門下省奏館職係祖宗育材之地近因立額

至召試之人無關可差故有是命 乾道元年正月二十日詔館職朕所以招延天下之英俊以待顯擢苟不親吏事知民情則將來何以備公卿之任可今後更迭補外歷試而用以稱朕樂育寔材之意八月五日祕書少監陳巖肖等言祕書省轄下太史局每歲箋注到大小歷日小本依年例令權貨務雕印出賣大本止是印造頒賜畢發送太史收管便為無用之物其漕司雕造上件印板費用不貲又緣印匠遞年循習私印造出外侵奪官課乞自今後大本歷日頒賜數足將上件歷板下太史局候歷日進呈畢牒送權貨務措置定價出賣施行從之二年三月十三日詔吳王益王府教官可

於館職中擇可兼權者差一員四年十月十一日禮部
員外郎李燾言乞舉行嶽鎮海瀆先農先蠶風師雨師
雷神並復舊典樂章報祕書省修撰從之詳見祠祭十
樂章門
一月二十八日詔左正議大夫守尚書右僕射同中書
門下平章事兼樞密使兼提舉修四朝國史兼制國用
使陳俊卿兼提舉編修國朝會要十二月三日祕書少
監汪大猷等言本省編省國朝會要每遇提舉官開院
過局乞就本省道山堂充聚呈文字位次其合排辦亦
不別差諸司官止就委國史日厯所見今提舉承受諸
司官排辦施行從之同日詔國史院日厯所都大提舉
諸司李綽差兼編修國朝會要都大提舉諸司國史院

日歷所承受李嶸差兼編修國朝會要承受國史院日
歷所主管諸司王允修差兼編修國朝會要主管諸司
七日國史院日歷所都大提舉諸司李綽狀準尚書省
劄子就差編修國朝會要都大提舉諸司今有合申請
事件行移文字乞以編修國朝會要都大提舉諸司為
名合用印記乞就用見領國史院都大提舉諸司印記
行使已降指揮就委國史日歷所提舉承受諸司官外
所有逐處人吏諸色人等並乞就差見管人吏等相兼
祇應將來開局每月提舉官并本所官屬過局及遇節
序茶酒等欲乞並依國史日歷所提舉諸司前後已得
指揮體例施行並從之九日國史院日歷所主管諸司

王允修狀準尚書省劄子就差編修國朝會要主管諸
司今有合申請事件行移乞以編修國朝會要主管諸
司為名合用印記欲乞就用國史院主管諸司印記行
使合差人吏就差國史院諸司人吏等相兼祇應合行
事件欲乞國史日曆所主管諸前後已得指揮體例施
從之五年四月二日祕書少監汪大猷等言蔡攸所修國
朝會要除將熙寧十年以前章得象王珪所修重加刪
潤外其自元豐至政和止修得帝系后妃吉禮三門其
嘉禮以下本省見行續修竊見蔡攸所修吉禮緣當時
議論好惡不同或妄有刪改以迎合時好故其間去取
有不可盡循者乞許令本省重照實錄諸書再加刪定

務歸至當兼今來續修斷自神宗以來其五朝會要內
有熙寧十年內事亦合重行編入以續修國朝會要為
名庶得神宗一朝事實首尾相貫可以稽考從之六年
五月一日祕書少監李燾等言依已指揮見行擇日進
呈四朝會要有申請事件一將來御殿進呈會要合用
儀範今乞下閣門修定施行一進呈依例合進讀第一
卷上五板昨來乾道二年進呈太上皇帝聖政日條差
祕書少監汪大猷今乞差官施行一今來進呈會要其
合行事并進畢請御封赴祕閣安奉及留中小本合進
納御前欲並乞就委編修會要都大提舉承受諸司官
施行進書日擡擎輦官并本省祇應人內有無勅號之

人今欲乞前期具人數姓名保明報皇城司關請牌號候事畢納繳詔進讀官差李燾餘並依六日詔以八日御殿進呈四朝會要光堯壽聖太上皇帝玉牒合用儀範令閣門修定閣前條具進御如乾道二年閏九月二十九日上三朝帝紀光堯壽聖太上皇帝聖政之儀內報引祕書省玉牒所官以下并引提舉官於殿下西向立定與二年引騎導官禮儀使親王太子入殿不同又次舍人引提舉官進讀官以下一班宣名常起居訖提舉官進讀官以下且殿下面西立定與二年分引太子至修書官一班起居不同九日詔祕書省上四朝會要修書官吏各轉一官減磨勘一年餘人等第轉官減磨

勘支賜有差閏五月一日中書門下省言國朝會要已修至靖康年詔令自建炎元年接續修至乾道五年八月戊日祕書省言得旨國朝會要令自建炎元年接續修至乾道五年本省今條具合行事件一編修國朝會要今降指揮令起自建炎元年接續修至乾道五年所有照修文字合用太上皇帝今上皇帝日歷參照編修今訖許從本省移文國史日歷所闕借照用施行今來編修事干國史所有漏泄條禁并取索内外官司合用昭修文字欲乞並依前後已得指揮施行所有提舉官開局過局館職聚議文字其合行事一就委見今提舉承受諸司官依乾道四年十二月三日已降指揮施行

從之十一月六日祕書省言本省編修國朝會要已降
指揮自建災元年接續修至乾道五年續準指揮許逐
旋闕用建災以後日歷編修緣其間多經去取未為詳
備欲望特降指揮在內令六部行下所屬在外令諸路
監司行下所管州軍將建災元年以後至乾道五年終
應被受詔書及聖旨指揮內百司限一月外路州軍限
一季並錄全文赴省送納照用編修所貴大典不致疎
畧從之九年三月二十六日祕書少監陳騭等言奉旨
續修太上皇帝會要取索內外官司自建災元年以後
應申請畫降被受改更聖旨指揮參照本末編類成書
其諸處視為閑慢或作緣故不行供報伏望嚴限依應

回報如違依見行條法施行詔依仍限五日回報十月
二十一日祕書少監陳騭等言恭奉指揮編類建炎以
後會要經今三年有餘已編修至紹興三十二年六月
十一日成書欲乞敷奏擇日進呈乞以國朝中興會要
為名從之八月二十五日詔祕書進呈國朝中興會要
九月六日進書禮儀並依乾道六年已得指揮九月二
十三日詔已修進會要玉牒係光堯壽聖憲天體道太
上皇帝中興盛典可特依下項推恩下項載在玉牒所二十八
日祕書少監陳騭等言恭依先降指揮編修建炎已後
會要今已修至紹興三十二年六月十一日成書進呈
了畢所有今上皇帝即位起修合行接續編類其應已

行事件並乞依修進國朝中興會要前後已得指揮施行從之

宋續會要秘書省二

淳熙二年十一月十一日詔撫州童子王克勤賜童子出身授從事郎秘書省讀書三年七月八日秘書少監陳騭等言本省編修今上皇帝會要合要內外官司被受指揮忝照編類移文取索多不供報有妨修纂乞立限行下諸處認限三日回報違戾去處開具當行人吏姓名中尚書省五年六月九日秘書省上中興館閣書目七十卷序例一卷十八日昭秘書省暴書會久廢自今年舉此故事令臨安府排辦既而秘書少監鄭丙言乞依紹興十三年指揮自大學士至直祕閣自六曹尚書御史中丞至正言及本省正字已上及舊係館職并

昭
疑
詔

行在貼職官並預坐從之七月六日祕書省言昨乞將
諸庫寫本書籍有損蠹殘闕者再校正書寫得旨令開
具合寫部帙并約所支書寫人食錢數目中尚書省今
約計合書寫五千萬字用錢五千貫省乞檢照前請施
行從之九月十二日車駕幸祕書省先是九月一日詔
以是日幸祕書省如值雨許張雨具四日照提舉國史
院編修國朝會要所史浩提舉國史日歷所趙雄免起
居從駕先往祕書省迎駕立班俟回從駕還內又詔令
文臣臺諫并在京及臨安府官見任直祕閣修撰右文
殿修撰及曾任前件職見寄職人并曾任館職人武臣
閣門舍人並令立班迎駕起居祕書監陳駿等言車駕

幸省祕閣鋪設祖宗御書古器等乞差本省知次第人吏四人書庫子二人專在祕閣前後往來照管乞開禁衛號從之十一日宰執先詣省閱視十二日皇帝升輦鳴鞭降東階出後殿門至御厨南駐輦樂人念致語口號作樂進行出北宮門將至祕書省提舉國史院官并提舉國史日曆所官祕書省國史院官臺官右文殿修撰等閣門舍人並迎駕起居訖皇帝入祕書省門至右文殿上降輦鳴鞭歸幄閣門報引知閣門官并簿書官宣贊舍人以下并修注樞密院逐房副承旨諸司祇應官御帶環衛官并幹辦皇城司官一班關班面殿立閣門引祕書省國史院官臺官右文殿修撰等閣門舍人

殿下相向立次報引率執使相侍從正任并管軍殿下相向立次閤門提點報引皇太子赴殿下東壁面西立閤門奏班齊皇帝服靴袍出鳴鞭行門禁衛等并入內省執骨朶使臣並迎駕自奏聖躬萬福皇帝坐舍人揖知閤門官以下宣名奏萬福訖知閤門官修注官升殿侍立當祇應官各歸祇應位餘官並分出知閤門官殿上躬奏宣到皇太子以下舍人提點分引皇太子以下面殿關班立宣名奏萬福訖直身立知閤門官殿上躬詣承旨訖臨階東壁面西宣曰升殿再揖躬身兩拜訖直身立舍人提點分引升殿相向侍立次引祕書省國史院官臺官右文殿修撰等閤門舍人一班宣名奏萬

福訖班退皇帝起鳴鞭詣祕閣舍人提點等分引皇太子宰臣使相執政侍從正任并管軍分內東西廊赴祕閣前階上稍南分東西向相立知閣門官修注官隨宜侍立祕書省國史院官臺官右文殿修撰等閣門舍人於祕閣階下分東西相向立御龍直織扇於祕閣閣門相近排設行門於祕閣前階下分東西排立禁衛等並右文殿下依舊排立知閣門官二員前導皇帝入祕閣東壁觀累朝御書等次前導西壁觀訖前導皇帝赴御座前少立知閣門官祕閣前宣曰羣臣觀累朝御書等祕書省國史院官導臺官右文殿修撰等閣門舍人依舊侍立皇帝首以太上皇帝所書琴賦宣示羣臣仍宣

諭曰此鍾王所不及羣臣觀訖再拜謝簿書官二員并提點引皇太子宰臣使相執政侍從正任并管軍入秘閣先東壁觀訖引於御座後過觀西壁許皇太子等畧展觀訖退皇帝歸幄進早膳是日賜宴于祕書省知閣權管軍臺諫見任祕書省國史院官閣門舍人及在京及臨安府見任直祕閣祕閣修撰右文殿修撰及曾任前件職見寄職并前館職俱賜坐其日諸司排當備右文殿入內官唱排定行門禁衛等排立定簿書官宣贊舍人以下樞密院諸房逐房副承旨諸司祇應官御帶環衛官皇城司官一班闕班面殿立閣門報引宰執使相侍從管軍知閣門并正任祕書監起居舍人祕書省

官國史院官臺官閣門舍人殿下相向立次提點引皇太子殿下東壁面西立閣門奏班齊皇帝出鳴鞭行門禁衛等并入內省執骨朶使臣並迎駕自奏聖躬萬福皇帝坐先簿書官宣贊舍人以下樞密院諸房逐房副承旨諸司祇應官御帶環衛官一班奏聖躬萬福各歸侍立祇應位舍人提點等分引皇太子以下與坐宮一班依坐次橫行宣名奏聖躬萬福贊名就坐贊拜兩拜訖贊就坐皇太子以下殿上赴座君分引升殿席後立祕書省國史院官臺官閣門舍人赴兩廊席後立次樂人自奏聖躬萬福次看盞人稍前謝上殿兩拜次進御茶牀殿侍酌酒訖贊就坐皇太子以下并兩廊並就坐進

第一盞酒簿書官宣贊舍人等並躬身揖贊進酒皇太子以下并兩廊並起立席後看盞人喝送御酒皇帝聽樂飲酒訖贊就坐皇太子以下并兩廊並就坐次行皇太子宰執使相酒次行執政官以下并兩廊酒宣勸賜赴坐官生果子各一盤酒三盞畢內侍喝賜酒食簿書官宣贊舍人以下御帶環衛官等皇城司官樞密院諸房逐房副承旨諸司祇應官內侍贊拜兩拜謝訖各歸侍立祇應位進第四盞酒簿書官宣贊舍人等並躬身揖贊進酒皇太子以下兩廊並起立席後看盞人喝送御酒皇帝聽樂飲酒以盞宣視先東壁次西壁各隨所向臣僚躬身應喏直身立次贊就坐皇太子以下并兩

廊並就坐次行皇太子宰臣使相酒傳旨勸執盞起離
位內侍簿書官宣贊舍人等稱傳宣飲盡皇太子宰臣
使相躬身飲訖傳旨不拜宣贊舍人等承旨揖皇太子
宰臣使相躬身贊不拜贊就坐皇太子宰臣使相並就
坐次行執政官以下并兩廊酒亦傳旨宣勸並執盞起
離立內侍宣贊舍人等稱傳旨飲盡執政以下并兩廊
並躬身飲訖宣贊舍人等贊拜兩拜訖就坐宣勸御帶
環衛官酒果飲訖赴當殿兩拜謝訖各歸侍立位次進
第五盞酒不宣視盞次行皇太子宰臣使相酒次行執
政官以下并兩廊酒宣勸並如上儀宴禮畢樂作舉御
茶牀皇太子以下起降階并兩廊赴坐官當殿兩拜分

出次樂人謝祇應兩拜皇帝起鳴鞭歸幄還內同日詔
祕書省國史院官各轉一官選人與改合入官諸書王
克勤與轉一資祕書監少監各賜紫章服有官供檢人
吏并三省供檢有官人各減二年磨勘無官供檢承接
人吏等并三省礼房支犒設一次幸省礼成宰臣史浩
率文武百僚拜表於文德殿十三日内出御製云此以
秋日臨幸祕書省因成近體詩一首賜丞相史浩以下
玉軸牙籤煥寶章簪紳列侍映秋光宴開芸閣儒風盛坐
對蓬山逸興長稽古右文慙菲德礼賢下士法前王欲
臻至治觀熙洽更罄嘉猷為贊襄宰執以下咸有賡載
同日詔右丞相提舉國史史浩參知政事權監修國史

趙雄各轉一官辭不拜以車駕幸省故也十四日詔祕書省以所印中興館閣書目二十部進入餘給赴坐官各一部六年二月三日祕書監鄭丙等言編修今上皇帝會要成書乞依國史日曆所已降指揮每月支降錢一百七十貫文募工書寫從之四月二十四日宰執進呈祕書郎宇文价劄子堂兄子震新除祕書丞乞迴避上曰館閣自不須迴避趙雄曰誠如聖諭但丞郎職事緊切相關欲除著作佐郎小著班在祕書郎下但稍清耳上曰可七月十八日祕書省上今上皇帝會要一百五十八卷九月二十三日詔自今纂書會並用七月七日八年三月十八日詔祕書省模勒祖宗御書并名賢

墨跡上石先是祕書少監趙汝愚等言本省有累朝御書并歷代名賢墨跡竊慮歲久或致蠹弊乞依祕閣舊來體例模勒上石故有是命閏三月五日宰執進呈祕書省言舊制唱名祕書省官侍立殿上今省官多為解試省試考官却合待罪殿下上曰記得唱名了若為一班乃特令上殿侍立同此一年九年七月六日吏部尚書同修國史鄭丙言祕書省纂書會常以少監主席今偶闕官合以丞郎著庭官主席詔祕書丞主席既而十三年祕書監沈揆為疾在朝假亦詔以祕書丞主席十年三月十六日國史院言近準詔旨要見本朝名臣列傳姓名今來書寫目錄繳申中書門下省外契勘本院所

有國史實錄文字自來上供本院官檢閱即非善本難以進呈竊恐不測宣取書寫未及乞下祕書省遇有宣取權借閣本供應詔依所乞更令簽出卷目遇要觀覽只指卷宣取七月六日祕書省言今歲暴書會以久旱祈禱非臣子燕會時乞權免坐從之十四年亦以闕雨本省奏乞免坐十一年六月二十七日詔暴書會今歲改用七月九日以本省言是歲七日係朝獻日分侍從兩省官從駕往回有妨會集乞移日故也十二年正月六日詔步軍司自今如有不測遺漏逼近祕書省去處於江近營寨差救火官兵一百人前去防護候殿前司官兵到來却行交替以本省言祕閣寶藏祖宗御製日歷會要近緣寶蓮山居民遺漏發牌報應殿前五月二十司官兵營寨稍遠比至火勢已息故有是命

六日詔秘書省讀書王克勤令赴吏部依格出官正言

蔣繼周言克勤秘書省讀書請給從視正字之半或錄十有餘歲考其定年亦不請給二十猶且不知去就或謂其初補官用晏殊故事正字秘書閣讀書克勤子俊秀賜進士出身殊字不同日來嘗買侍妾怒而徙之殊之元夕

貝固與殊字不為此坐庶廩祿且自附于館職之列祇不出遊觀必不為此坐庶廩祿且自附于館職之列祇

益其過官故有是命十三年二月八日令秘閣繕寫

依格出官故有是命洪範政鑒一本進納九月二十七日秘書郎莫叔光言

乞詔諸路監司諸郡守臣各以本路本郡書目解發至

秘書省聽本省以中興書目點對如有未收之書即下

本處取索印本廣祕府之儲詔令秘書省將來收書籍

徑自闕取十月九日秘書監沈揆等言昨奉聖旨接續

編修今上皇帝會要今自淳熙元年正月至淳熙十年

十二月修纂已成伏覲淳熙十二年七月十一日國史院奏請乞將所修列傳俟玉牒會要奏書日同時上進得旨依今來史院所修列傳已成書見今擇日抄進乞將本省所修十年會要依已降指揮同時進呈從之十一月二十一日祕書省上今上皇帝會要一百三十卷十二月九日詔祕書省吏額內正係名守關係名各減一人編修會要存留點檢文字一人書庫官二人自今都孔目官年滿日存留一人從上遞趨已存留一人赴部注授使臣專知官一人例兼供給文字且令依舊候離司日供檢文字更不作闕諸色人兵厨子減一人翰林司減一人潛火殿前司差到一十人內減二人步

軍司差到一十七人內減三人并步軍司元孽歷九人
內減二人臨安府差到將兵二十人內減四人廂軍二
十九人內減六人看閣軍員六人內減一人所減人數
且令依舊候離司事故更不作闕其人兵亦許存留如
事故更不差入以下勅令所裁吳煥議減冗食十六日祕
書監沈揆等言續修今上皇帝會要自淳熙元年正月
修至淳熙十年十二月已進呈了畢所有已後年分當
接續起修合要內外官司淳熙十一年以後應申請畫
降被受聖旨指揮并逐處聖旨簿參照編類其應干合
合行事件並合依前後編修會要已得指揮施行今自
淳熙十一年正月一日起修依例合行開局詔並依其

會要參照指揮令內外官司疾速回報十五年七月七日祕書省言奏書會今歲係在高宗皇帝服制之內乞權免從之

全唐文

宋會要著作佐郎

乾道三年七月梁克家奏曰著作佐郎劉焯久在館閣以拘資格除郎不行乞稍遷遂除 王安中字履道自號初寮先生政和中以文學知名除宗學博士有密薦於上者除著作佐郎 李邴字漢老伯父昭玘字成季元祐名士與晁張為徒嘗為柱史邴才學能世其家政和末除書局遷著作佐郎

宋會要 秘書

太宗端拱元年五月詔就崇文院中堂建秘閣擇三館真本書籍萬餘卷及內出古畫墨跡藏其中凡史館先貯天文占候讖緯方術書五千一百二卷圖書百四十軸盡付秘閣有晉王羲之獻之庾亮蕭子雲唐太宗元宗顏真卿歐陽詢柳公權懷素懷仁墨迹顧愷之畫維摩詰像韓幹馬韓偓鶴戴崧牛及近代宋丹王李贊華千角鹿西川黃鷹白兔亦一時之妙也是月以吏部侍郎李至兼秘書監及提轄秘閣供御圖書直史館宋泌兼直秘閣史館檢討杜鎬充校理此蓋設官之始也案六典秘書省中外三閣掌典圖書古今文字皆在禁中兩漢或徙金馬門外歷代不常其處唐李嗣離中原多致百王之書蕩盡蘭臺延閣空存名號太宗崇尚儒術屢下詔購書及先賢墨迹小則償以金帛大則授官未數年間充初書府至是建閣命官專領之自後常以丞郎學士兼秘書監即領閣事六月以殿中丞夏候嘉正為右正言直史館兼直秘閣嘉正嘗為洞廷賦為右散騎常侍徐鉉所稱由此帝知其名詔試禁中稱旨持有是命八月命內品裴愈監秘閣圖書先是秘閣事務皆集李至處分監圖書官皆不關預自是至遂牒愈本閣小事一面奏取旨餘皆至專決焉是月秘閣言見管供

御書籍及點檢抄寫封鎖庫門出納公事今乞兼委直閣宋泌校理杜錫與裴愈同共司當今後直館校理及監圖書官內有差出即令遞相交割其閣常以最上一員相承勾當永為定式從之自後直閣校理皆如此制咸平後入者始不領事務二年詔秘閣定置典書楷書各五人寫御書十人其後減典書二人又增楷書三人別置裝裁匠十二人七月以御書急就章藏於秘閣淳化元年七月內降御草書詩十首故實二紙又出御製詩文凡四十一卷並藏于秘閣八月一日李至請右僕射李昉吏部尚書宋琪左散騎常侍徐鉉及翰林學士諸曹侍郎給事諫議舍人等詣閣觀御書圖籍帝知之即詔內品裴愈就賜御筵出書籍令縱觀盡醉而罷二日又召催御史中丞王化基及三館學士縱觀賜宴如前二十一日李至等言曰王者藏書之府自漢置未央宮即有麒麟天祿閣命劉向揚雄典校謂之中書即內庫書也後漢藏之東觀皆在禁中也至桓帝始置秘書監掌禁中圖書秘記謂之秘書及魏文帝分秘書為中書而秘書監掌藝文圖籍之事後以秘書屬少府故王肅表論秘書不應屬少府魏之秘書即漢之東觀因是不屬少府而蘭臺亦藏書故薛夏卿云蘭臺為外臺秘書為內閣晉宋已遷皆有茲號晉武好文令秘書即徐廣料秘閣四部三

萬餘卷宋謝靈運為秘書監補其遺逸遺齊兵火經籍散亡梁江子一亦請歸秘閣觀書隋煬帝即位寫秘閣之書分為三品於觀文殿東西廊貯之然則茲閣之設其來尚矣及唐開元五年亦於乾元殿東廊寫四庫書以免內庫命散騎常侍褚無量秘書監馬懷素總其事至十三年乃以集仙殿為集賢殿因置集賢書院雖沿革不常而秘閣之書皆置之於內也自唐室陵夷之後經籍文物流離百年國家承平復興經籍三館之書購求漸備陛下復建秘閣以藏其書總御經之博要資乙夜之觀覽斯實出於宸心非因羣下之議也况睿藻宸翰盈編積簡則其真秘非復與羣司為比然自建置之後寒暑再周官司未詳所處乞降明詔令與三館並列至於高下之次先後之稱亦乞著為定式其秘書省既無書籍元隸京百司請如舊制詔朕肇興祕府典掌羣書仍選名儒入直於內文籍大備梁然可觀處中禁以宏開非外司之為比自今秘閣宜次三館其秘書省依舊京百司主應麟上江云初但有直史館至是新制有照文館直學士

院係三省三年五月詔增脩秘閣先是度崇文院之中堂為祕閣址而層構未立書籍止局偏廳廡內至是始命脩之八月閣成帝作贊賜之宰臣李昉等請刻石閣下亭至上未引唐祕書省有薛稷畫鶴郎餘令畫鳳賀

知章草書當時自為三絕又引顏真卿請肅宗題放生池碑顏及近翰林
學士承旨蘇易簡乞飛白書玉堂之署為比願賜新額以光祕府詔中書
樞密院近臣觀新閣又賜上尊酒大官供膳是日遣中使齎御飛白書祕
閣二字以賜李至李昉等相率詣使庭稱謝退就飲宴三館學士預焉又
賜御詩以美其事李至上表請以御製贊刻石祕閣帝以事臣前已陳請
又重違至意詔曰近以延閣載新萬機多暇卿書贊詠以美成功所紀微
猷深虞漏畧出於乘輿豈足多稱遠覽封章願刊穹石垂於不朽良積厚
顏其贊并序朕兼為親書并篆額以旌祕書省九月辛卯祕閣帝登閣觀
群書齊整喜謂侍臣曰喪亂已束經籍散失周孔之教將墜於地朕即位
之後多方收拾抄寫購募今方及數萬卷千古治亂之道並在其中矣即
召侍臣賜坐命酒三行仍召三館學士預坐日晚還宮顧昭宣使王繼思
曰爾可召侍潛戴與令至閣下恣觀書籍給御酒與諸將飲宴潛等皆與
禁兵帝欲其知文儒之盛故也十月遣中使李懷節以御草書千字文一
卷付祕閣李至請於御製祕閣贊碑陰模勒上石帝曰千字文偶然閑寫
因令勒石李至更欲鐫勒且非垂世立教之文孝經一書乃百行之本朕當
親為書寫勒在碑陰可也四年詔畫工用絹百匹集諸州畫為天下圖

藏秘閣五年六月命內供奉官藍敏正齋御草書五軸藏秘閣詔史館脩撰張昞與三館秘閣學士觀焉至道元年正月水部郎中直秘閣朱昂等言御製秘閣贊碑已建立臣等忝官祕府願以爵里附於祕書監李至之下刊刻從之王應麟玉海注言興國二年以先賢墨跡繕化以新集法帖至道以飛白十軸藏秘閣真宗咸平二年六月詔童子即喚於秘閣讀書初興國八年命呂文仲為翰林侍讀高直御書院以備顧問名秋伯未崇咸平二年七月丙午以兵侍楊徽之戶部員外郎為侍讀學士祭酒邢昺為侍讀學士班祿賜次翰林學士說直處於祕閣侍讀更直侍讀長上召見訪問或至中夕八月詔翰林侍讀學士楊徽之等赴職錫宴于祕閣兩制館閣皆預帝作七言詩賜之五年七月幸祕閣閱羣書王應麟玉海注云咸平中祕閣濟太祖國之五年奉安太宗文集景德四年五月詔分內藏西庫地廣祕閣時購書籍真宗以其地迫隘故也大中祥符九年九月詔以祕監楊億判祕閣事自後兩省五品以上官不兼監者止云判閣其祕書省事亦掌焉仁宗嘉祐三年三月以光祿卿張子愿趙良規掌焉錫齊郭張子思並直祕閣先是子愿等皆為太常少卿直祕閣當遷諫議大夫而中書以謂諫議大夫不可多除故並遷正卿而故事大卿監無帶

館職者至是特為請而遷之 國初書止萬二千卷祕閣之建圖籍大備
至仁宗時三萬六千二百卷熙寧四年十月二十九日判祕閣宋敏求言
三館祕閣四部書多訛舛請校讎自前漢始事寢元祐元年四月十四日
詔蘭臺延閣位序多闕命大臣各舉三人二年六月以昭文館黃本書分
藏祕閣三年九月復試賢良于閣下四年四月二十四日太師文彥博與
宰輔至祕閣觀書宴儒士徽宗即位二年重脩祕閣崇寧元年成二年五
月祕閣書裝褱共二千八十二部王應麟玉海云紹興十三年十二月十
一日詔重建祕書省十四年五月賜御書祕閣右文殿榜又詔將作監奉
友仁書道山堂榜右文殿五間門三間殿後祕閣五間高四丈中設御坐
御案御路羅階御屏畫出水龍閣上木階朱漆殿奉安聖政會要曰歷
御製御札等閣前有拜閣臺柱右文殿閣後道山堂五楹二十八日祕書
省復置編寫所初熙寧七年置補寫所以次間成寫校勘遺本書籍也七
月二十七日丙子帝親臨御書御製淳熙五年九月壬申帝召集在祕
閣後長五丈廣一丈五尺乾道九年少監陳騷立 紹定五年七月重建
祕閣

三館

宋會要 集賢院

太平興國二年始建崇文院昭文館集賢院皆總為崇文院

宋會要

崇文院

凡昭文館史館集賢院三館事務總為崇文院 宋朝從唐制昭文館集賢

殿置大學士史館有監修國史皆宰相兼領昭文集賢又置學士直學士

史館集賢置修撰史館有直館檢討集賢有直院校理崇文院有檢討校

書皆以佗官領之初昭文集賢學士史館修撰取最上一員判館院事今

亦以佗官分判初昭文館諫門下省史館寓於集賢後合為一矣太祖建

隆元年二月詔改弘文館為昭文館太宗太平興國二年太宗幸三館顧

左右曰是豈足以驚天下圖書侍天下之賢俊邪即日詔有司度左昇龍

門東北車府地為三館命內侍督工徒晨夜兼作其棟宇之制皆帝所親

授自舉役車駕凡再臨幸三年二月丙辰朔成有司奏功畢乃下詔曰國

家幸新崇構大集群書宜錫嘉名以光策府其三館新脩書院宜為崇文

院又詔啟園苑植花木引清水以溉之西序啟便門以臨幸自梁遷汴

都舊制未備正明中始於今右長慶門東北小屋數十間為三館即後廢

西館是也湫隘卑庳僅庇風雨周廬祿道出於其旁衛士騎卒朝夕宣雜

每受詔撰述皆移佗所至是故置為院既成盡遷西館之書分為兩廊貯焉以東廊為昭文書庫南廊為集賢書庫西廊分經史子集四部為史館書庫凡六庫書籍正副本僅八萬卷初乾德中得書萬三千卷開寶中平吳得書二萬卷參以舊書為八萬卷凡六庫書籍皆以類相從是年兩浙錢俶歸朝遣使收其書籍送館閣用雕木為架以青綾帕幕之簡冊之府翕然一變矣是月十六日帝幸新崇文院觀羣書久之詔宰相親王恣其檢閱問難少頃召降王劉鋹李煜至亦令縱觀因即中堂宴從臣盡醉而罷三年十二月以趙州隆平縣主簿王著為衛尉寺丞史館祇候王著善史書小學至是帝以字書訛舛欲令學士刪定少能通者左右或薦者故令諫史館且俾刊正切韻遂有是命八年七月以新及第進士吳鉉為大理評事史館勅書八月以國子監主簿楊文舉為國子監丞史館編脩雍熙四年四月以著作佐郎宋炎為史館校勘編脩五年正月以殿中侍郎史崇成為戶部員外郎直史館監祭御史宋鐫為右拾遺直史館館職無帶臺官者皆授之淳化元年二月詔自今遊宴宣召直館共集賢校理校理並令預會先是帝宴近臣於後苑三館學士悉預李宗諤仕某賢校理閣門史鉉之不得入宗諤賦詩述其事故有是詔直館脩撰校理之職

名數雖異職務畧同閣門拒校理不得預宴蓋史之失也八月二十五日
以起居舍人直史館呂祐之左司諫直史館趙昂金部員外郎直史館安
德裕度部員外郎直史館勾中正並直昭文館先是但有直史館至是始
命祐之等分直昭文館備三館之職也二十六日以太子中允和嶸直集
賢院集賢館無五院之名惟江南李氏嘗以朝士任之至是始置從新制
也十一月以右司諫梁周翰為史館脩撰從翰林學士宋白等薦其有良
史之才也周翰廣順初擢進士第善屬文不樂外官吏職白等以為言而
有是命三年十月以殿中丞郭延澤太子右贊善大夫董元亨並為史館
檢討延澤等俱以門蔭好學帝聞其名詔率臣問以經史大義對皆如旨
故有是命是月以直史館李宗諤直昭文館避其父監脩國史故也三年
三月十一日以左司諫韓國華左正言潘太初襄王府翊善起居郎夏候
僑越王府記室參軍左司諫宋泌兼直昭文館國華太初為三司判官因
對自陳雖諫官省職不得從進宴故並有是命告謝之日適值後苑賞花
便令預宴皆出特恩也舊例三司帶職者不兼直館至是國華等皆以判
官兼充職從新例也至道三年七月詔度部員外郎董元亨承前充史館
檢討檢討脩撰二職皆不帶外任元亨時出知漳州罷職至是始代歸復

授焉真宗咸平元年五月以刑部員外郎致仕陳充守舊官直昭文館充
前以疾休致至是痊愈復其職十一月命內品劉崇超監祕圖書三館書
籍崇文院舊令內臣一員監掌書鑰不參館事時命裴愈掌之咸平圖書
不整故命崇超其後因循與別館聯書掌事甚非舊制十二月命司封郎
中知制誥朱昂與住宅使勝州刺史劉承珪比部員外郎祕閣校理杜鎬
點檢三館祕閣書籍二年春上新編書目詔以昂為吏部郎中陳珪為北
作坊使鎬直祕閣錫金紫以旌之帝謂宰臣曰近聞圖書之府甚不整齊
假借之餘散失尤多兼牌校下稍傳聞差悞自今差官校勘及掌書史卿
等嚴行約束杜絕因循昂等上言四部書為朝臣所借者凡四百六十卷
詔除諸王宮給本抄寫外餘並皆還之二年七月幸崇文院召祕書監楊
徽之集賢院學士錢若水等開書庫編閱群書登祕閣觀太宗御製書墨
跡真宗甚恻愴降閣召侍臣頃賜三館祕閣職官銀器衣看各有差五年
七月幸三館閱四庫書久之賜五官校理器帛有差又賜書史緡錢景德
三年五月詔京朝官帶三館職事自用登位恩改官後未曾叙遷及衣緡
至二十年者悉以名聞先是館閣官多不時進用自帝即位後雖經郊祀
川不進秩故有累年不遷改者至是內出各什率臣進擬為四年宴館閣

官于院大中祥符二年正月以職方員外郎祕閣校理監舒州靈仙觀舒雅直昭文館先是雅嘗慙薦王欽若至是欽若上言故有是命四年九月兼祕書監向敏中判昭文館晁迥等上言講集聖製藏於館閣詔以述作非工除已刻石銘記等也依所請自餘登位已來內出雜文篇什或宣賜者並令依次抄錄藏於龍圖閣三館祕閣下得與太宗皇帝文集並處五年四月始降御集文頌歌詩十五卷藏之八年五月翰林學士陳彭年言唐制中書門下兩省宮城之內有內省宮城之外有外省今請據祕閣舊定屋數重修奉安太宗聖容御書供跡書籍天文圖書四廊並充書庫及史館日曆庫直館校理宿直校勘抄書籍雕造印板並就外院其外院於左右掖門外就近脩葺別置三館書庫其三館書籍名目候將來分擘正副本取便安置從之時宮城申嚴火禁甚峻臣僚寓宿寒溫食飲非便因命有司檢討故事而改之大禧元年八月詔崇文外院以三館為額五年十二月命內殿崇班皇甫繼明同勾當三館祕閣公事先是劉崇超在館止云監三館書籍祕閣圖書崇超與王欽若厚善丁謂為相惡之遂引繼明與崇超同掌因為同勾當公事內臣與大學士同職時論非之仁宗天聖四年五月樞密副使尚書左丞張士遜言臣男大理評事友直幼親筆

硯望令於館閣校勘詔友直且於館閣讀書自今館閣校勘更不得添置
五年二月以大理評事館閣校勘王琪兼書南京留守判官公事特令帶
館閣校勘外任校勘官無有帶外任者時晏殊奏辟琪時有是命八月詔
監三館祀閣自今依舊例只置一員時西京左藏庫副使劉崇超卒特有
先詔十月同太后幸上曰三館書校開元所失甚衆宜加求募進及三百
餘卷以上者賜出身且史館謝泌言圖書未有次序請依唐薛稷沈佺期
武平一馬懷素人掌一庫上嘉之命泌分領九年三月十一日參知政事
陳堯佐言館閣抄書筆吏數少請增募五十人從之十一月四日詔京朝
官任館職事者自外歸須一周年已上始許再補外任十一月八日詔
三館于禁大院舊在左掖門內左昇龍門外前則三館後構祀閣分藏群
書自大中祥符四年宮城延熾以馬錄編藉權從左掖門外道北至是仁
宗以逼近市堦非多士討論之所命遷舊所焉時大臣有以未習者亦優
召谷之慶曆三年十一月十九日詔自今見任前任兩府及大兩省已上
官不得陳乞子弟親戚館職并讀書之類進士三人已上一任回無過犯
者許進著述召試取優等者充或遇館閣闕官取曾有兩府二大兩省
三人同罪舉充者仍取著述首祥試初皇祐五年正月詔館閣已嘗為知

州者自今且與提點刑獄至和二年四月二十九日詔今後檢討更不得
舉試館職八月十四日翰林學士承旨孫抃等言勅會史院隋日曆有檢
討官三兩員在本院刊脩今本院全闕檢討官乞差大理平事韓維充詔
維充史館檢討嘉祐二年十二月十一日詔今後大臣舉館職令中書且
與籍記舉狀候在館員數稍少即於數內選實有文行為衆所稱者取旨
與試仍令學士院精加考校公定優劣不得假借等第從陳官陳升之言
也四年二月置館閣編定書籍官九月詔以內藏西庫地遷崇文院六年
十二月二十三日賜輔臣兩制館閣官宴于崇文院宰臣韓琦以下刻石
記于院之西壁先是詔置編定編校一員提崇文院總目刊正補寫至是
寫校畢凡黃本六千四百九十六卷白本二千九百五十四卷上之八年
七月二十三日監脩國史韓琦言史院日曆未脩者積十餘年今將脩先
朝實錄而日錄未備檢討閱官請以祠部員外郎直史閣呂夏卿太子中
允祕閣校理韓維兼職詔以夏卿維並兼史館檢討神宗熙寧二年十一
月三日詔今後應選舉到可試用人員並令崇文院校書以備朝廷訪問差
使候二年取旨或除館職或升擢資任或只與合入差遣時初除前河南
府永安縣主簿邢恕爲校書閣十一月壬寅張載爲之三年五月十六日

詔崇文院校書邢恕與堂除近地試衡知縣恕以秘書丞集賢校理同知諫院胡宗愈言崇文院校書如未曆外官及不滿仕者不得選舉上以恕未曾任官故有是詔九年九月四日中書門下言前勾當三館秘閣黃守照自陳編排近及百年書籍乞乞任提點慈孝寺或提點奉先寺詔許再任賞其勞也元豐五年初以崇文院為秘書省哲宗元祐五年九月十六日復置集賢院學士紹聖二年四月三日戊辰易為集賢殿降撰徽宗政和六年四月改右文

宋會要 編脩院

宋置崇文院自後脩國史會要名曰編脩院詳見崇文院下

宋會要 國史院

紹興初實錄國史皆寓史館後罷史館遷脩實錄即置實錄院遷脩國史即置國史院二十八年七月以脩神宗哲宗徽宗正史置院脩史一人同脩史一人編脩官二人史以實錄院人兼高宗紹興二十八年七月十九日詔置脩國史院脩神宗哲宗徽宗三朝正史先是紹興十年十二月十三日提舉官言神宗哲宗兩朝正史欲候徽宗實錄書成之日通符三朝事實考據別行脩定即置國史院至是始有是命八月十四日詔置國史

院差宰臣湯思退監脩國史吏部尚書賀正中兵部侍郎周麟之並差同脩國史吏部員外郎葉謙亨胡沂秘書省校書郎汪澈並差兼國史院編官保康軍承宣使張見道差充國史院都大提舉諸司幹辦御藥院林肇差充國史院承宣入內侍省東頭供奉官楊興祖楊珩差充國史院主官諸司二十五日詔脩國史同脩國史通以二員編脩官以四員為副九月十三日詔國史院取會省曹寺監等處並依紹興元年四月九日史館指揮同日詔國子監并諸路轉運司所管州縣應有印板書籍去處各印造一部送國史院二十九年閏六月八日宰臣湯思退言提領國史院過局給食錢并供檢楷書錢乞並罷從之是月十四日同脩國史賀正中等請並罷史官過局給食供檢楷書添支食錢從之八月二十四日詔國史院宰臣提舉置修國史同脩國史共二員編脩官二員都大提舉諸司官承宣官諸司官各一員人吏存留一半修史成繳進日罷局從給舍裁定也同日詔書局料次等錢今後更不文降每月於激賞庫各支錢一百貫文充逐處公用合用紙札等依舊例雜買務收買供送同日詔諸書局有官吏人杖副尉等並發還歸部內國史院係脩三朝國史特許從上存留知次第有名目人四人同日詔三省堂後樞密院官見兼諸局供檢點

檢主管大字之類並罷二十六日詔館職不兼史院通局諸司排食酒果
錢並罷從其請也十一月十九日詔國史院編類進奉徽宗梓宮事實以
祐陵進奉錄為名於顯仁皇太后神主祔廟以前進藏奉安於敷文閣先
是詔脩皇太后回鶻及進奉殿宗梓宮事實時以東朝萬壽吉山之禮不
可相襲先以回鶻事實進始有是命二十六日詔進呈祐陵進奉錄依
太常閣門擬定儀注前二日奏告景靈宮神御前並於侍從內差官一其
日進奉永祐陵進奉錄腰帶於國前用文武百官並服常服吉帶供天
章閣於閣下排班香火畢提舉承宣官往未照管次御史臺閣門太常寺
分引文武百官詣神宗神御殿下北向立班定次禮直官引監脩國史官
詣殿下北向立定禮直行拜引監脩國史院官詣本閣閣下香案之東西
向立定赴擇官報時及俟本閣安奉永祐陵進奉錄訖次引監脩國史官
降階立定禮直官揖躬拜監脩國史官拜在位官再拜訖次引監脩國史
官詣香案前揖旁三上香執笏降階復位立禮直官揖躬拜監脩國史官
拜在位官皆再拜訖班退授衛筆官以次退孝宗隆興元年正月十六日
詔尚書右僕射史浩提舉修三朝國史五月十九日編類聖政所狀接續
脩纂功勳臣僚忠臣義士事跡合併歸國史院欲實封用印牒送從之七

月二十三日詔尚書右僕射湯思退提領修三朝國史思退以父名舉辭免故改為提領八月十七日國史院狀依指揮除具併省吏額見管一十三人緣修三朝正史藏宗寬恤詔條欽宗實錄事體繁重乞且令依舊候就緒從本院斟酌裁減從之十月六日詔劉夙兼國史院編修官夙初被命自陳上件職係是三朝信史近年以起居郎舍人及秘書少監兼之以尊國史重纂述不輕選授也如夙小官素未荒陋偶以私計忝祠忍有此命實所不安欲望焚奏寢罷前命得旨依所乞臣僚言竊聞劉夙近除兼國史院編修官力辭不就今又以母老兄乞祠祿差遣臣詢之朝列皆謂夙文學優長議論堅正難以許遂聞外欲望特降指揮且令依舊供職少副公論從之乾道三年三月二十一日詔參知政事虞允文兼提舉修三朝國史中興以來參政兼提舉始此五月七日國史院日曆所編類聖政都大提舉諸司狀昨國史院都大提舉諸司依先降指揮差置點檢文字一名主管文字二人於紹興二十九年九月內一時減罷主管文字一名自後即次準旨差兼國史日曆所并編類聖政都大提舉諸司元置吏額復差主管文字一名通作三人祇應所有請給等並依本所見今主管文字則例支破從之二年閏九月二十九日國史院日曆所上三朝

帝紀光堯壽聖太上皇帝聖政閣門條其日皇帝專御燕拱殿坐光儀
鸞司於殿上東壁稍南設置三朝帝紀卓子有案香爐香餅香合香匙持
位等又於帝紀卓子北設置光堯壽聖太上皇帝聖政卓子持位和閣門
官二員前導簿書官二員自殿門外接引三朝帝紀光堯壽聖太上皇帝
聖政輿與入殿至殿東階下禁衛西立定輿與不立此有導和閣門前引
簿書官與立和閣門國史院國史日曆所編類聖政點檢文字以下各隨輿與
入殿各於輿與西一行立候閣門報引騎導官并國史院國史日曆所編
類聖政官以下并提舉官禮儀使次引親王次引皇太子入殿於殿下分
東西相向立定御修注隨和閣門官已下並居閣門附內侍進班齊拜皇
帝服履袍出宮殿下鳴鞭禁衛諸班互親從等并入內省執骨朵使臣國
史院國史日曆所編類聖政點檢文字已下并牌輿下筆官并巡駕自贊
常起居內宰與坐官不拜上應皇帝坐先御帶環衛官已下一班宣
召常起居各歸東朵殿侍立次讀奏目知閣門官已下并樞密都副承旨
修注樞密院諸房逐身副承旨提點同提點承受兼祇應諸司祇應武功
大夫已下一班開班常起居諸奏目知閣門升殿讀奏目知閣門承旨修注
升東朵殿侍立餘各歸侍立祇應位次管軍一班宣召常起居並起東朵

殿侍立次行門常起居次舍人分引皇太子親王提舉官禮儀使騎導官
國史院國史日曆所編類聖政官已下一班宣名常起居訖皇太子升殿

東階赴殿上東壁侍立國史院國史日曆所編類聖政提舉官禮儀使進
請帝紀官進請聖政官已下並殿下面西侍立餘官並分出次入內宮下

殿詣三朝帝紀并光祿壽聖太上皇帝聖政牌輿前各取進呈書匣上殿
於殿上東壁車子上各置定知閣門官自御坐上前導皇帝起詣帝紀香

案前褥位立定閣門提點奏請上香再上有三上香訖又奏請拜皇帝再
拜訖次前導皇帝詣聖政卓子褥位立閣門提點奏請拜皇帝再拜訖前

導皇帝復歸御坐和閣赴東朵殿侍立次舍人揖提舉官禮儀使進讀官
升殿於御坐東侍立俟入內宮進卓子提舉修帝紀官禮儀使并進讀官

稍前立分進讀官於御前過西壁東向立國史院提舉請司官至帝紀匣
前楷笏啟封開錄訖出笏歸侍立位國史院承史官楷笏於帝紀匣內取

冊轉校提舉官楷笏捧冊置御卓子上出笏皇帝起於御坐前立提舉諸
司官承史官分東西立並楷笏相冊訖出笏進讀官楷笏取冊于楷讀逐

板指冊並如上儀俟進讀冊畢進讀官執篋于且立提舉官楷笏收冊復
授承受官訖出笏如再有進讀冊如上儀俟進讀訖皇帝復坐進讀官置

跪于於御卓子上出笏却過東壁降東階於殿下東壁西西立國史日曆所編類聖政提舉官禮儀使稍前立進讀官進讀如前儀入內官徹卓子皇太子降東階退提舉官禮儀使進讀官並降東階下殿東壁面西立候提舉司官候進入內官捧匣下殿置於儀輿上候駕司徹者未等舍人引國史院國史日曆所編類聖政提舉官禮儀使一班當殿立定引置身各出班告謝訖跪位兩拜訖各且躬身如有宣諭御樂下殿宣諭訖再兩拜訖舍人引赴殿下西立次引國史院國史日曆所編類聖政官已下一班告謝兩拜如傳旨謝恩舍人承旨訖贊謝恩再拜訖並退次引國史院國史日曆所編類聖政提舉諸司官承受已下一班次引點檢文字已下一班各謝恩兩拜訖跪位立如傳旨宣坐賜茶合赴坐提舉官禮儀使賜茶如儀賜茶畢次舍人報關門無公事皇帝起還宮殿下鳴鞭如關門前導簿書官前引腰輿出殿至殿門外權安奉餘並如儀官吏推恩見聖政日曆所門十一月二十七日起居舍人兼國史院編修官洪邁等言勘會欽宗實錄昨降指揮候修成日曆發赴國史院編修今來日曆已修纂畢合發赴本院修纂從之十二月二日禮部員外郎兼國史院編修官兼實錄院檢討官胡元質言五朝正史久已大成而神宗哲宗徽宗三朝

元史開院纂輯累年于茲臣竊惟靖康繼宣和之後以功緒本末則相關
以歲月久近則相繼伏望將今來所修欽宗實錄立之課程冠以期限併
修帝紀敘進名爲四朝國史成書之後薦之宗佑與天無極從之三年三
月二十五日起居舍人兼同修國史兼實錄院同修撰洪邁等言國史院
得旨修纂哲宗實訓今已成書竊見已降指揮令玉牒所撰進祖宗玉牒
仙源積慶圖檢準紹興二十八年三月內神宗實訓係與玉牒所仙源積
慶圖同日投進今欲將哲宗實訓依舊例與玉牒所同日進呈本所係具
進呈哲宗實訓合繕二本內一本俟進呈畢進奉於徽猷閣安奉小本留
中依例繕委本院承受官傳進一今未進呈實訓乞依例差本院官進讀
第一冊從上五板一所有合行體例欽乞太常寺同本院參酌討論施行
一進呈安奉實訓合差都大主管官一員乞依例就差本院都大提舉諸
司官并將來應合行排辦事件亦乞就委本院都大提舉諸司承受主管
諸司條具施行一進書前期提舉官依例詣本院謁書乞令本院天文官
選定日分施行一合用紙札收買裝背物帛并諸雜支費等止乞下左藏
庫量支降錢三百貫應副使用並從之四月二十六日詔以五月六日進
呈三祖下仙源積慶圖太宗真宗玉牒哲宗實訓依注凡玉牒所門六月

十四日國史院言已進呈哲宗寶訓了畢其修書官吏合該推恩得旨依
乾道二年十月二十一日已裁減進書推恩體例今參酌擬定修書官吏
各轉一官更減一年磨勘及經修不經進進行在供職官並各與轉一官
在外官減二年磨勘兩該實人止從一處推恩餘人等第未賜從之九月
十三日翰林學士劉珙進讀三朝寶訓至淳化五年太宗謂近臣曰太祖
寶錄或云多有漏落當命官重修因嘆史官才難蘇易簡曰大凡史官宜
去愛憎情嫌無避今人多不欲修史蓋善惡之間惟其子孫見之為踰隙
近者色蒙修史策為人怯懦多疑忌故其史傳多有脫落甚非正筆上曰
善惡無遺史臣之職也奏云史官以學識為先文辭次之苟史官有學識
安得愛憎怯懦疑忌上曰史官要識要學要才三者兼之四年三月二十
四日詔寶錄院進呈欽宗寶錄并本紀了畢日併入國史院一就修纂四
朝正史從同修國史兼實錄院修撰洪遵請也四月二十四日尚書右僕
射提舉修三朝國史提舉實錄院蔣芾言國史院見修三朝國史志傳依
乾道二年十二月二日指揮併修欽宗一朝名為四朝國史所有臣提舉職
事欲依已降指揮以提舉修四朝國史為名從之六月十五日詔國史院
添置編修官兩員提舉修四朝國史蔣市言四朝國史自紹興二十八年

開院至今子有一年僅成帝紀所有諸志并傳大字卷缺最繁並未曾措
辭謹按本朝修太祖太宗真宗三朝正史不過四年修仁宗英宗兩朝正
史不過五年今四朝史既踰十年而志傳茫然未有序臣已料諸志分
委所屬修纂惟是編修官舊係四員後來裁減其半臣欲量事添置一員
故有是命十二月九日起居舍人兼國史院編修官胡元質等言契勘秘
書丞國史院編修官劉季莊除著作佐郎今於哲宗實錄內檢照司馬康
等體例合依舊兼本院編修官從之五年九月三日詔胡元質兼同修國
史本院更添置編修官三員繼而起居舍人兼權中書舍人兼國史院編
修官胡元質奏伏蒙恩命兼同修國史嘗具奏辭允不允臣竊以史官分
職考之故事記注官少有兼同修者緣昨者胡銓任起居郎兼權中書舍
人日嘗陞同修自是以來沿襲為例竊恐朝廷用此近例遂伴臣陞兼是
職伏念臣昨於去年七月奏對乞朝廷凡所施行一切屏絕已行之例誤
蒙嘉納嘗降指揮至今遵守臣備數後省比有援例以請之事臣不敢不
駁臣豈有言之於前而躬自蹈其非於後故望聖慈追寢成命詔依舊充
編修官十二月二十三日批書少監兼國史院編修官李燾言伏見四朝
正史開院已踰十年臣備員編修亦二年有餘除去年進呈欽宗紀卓絕

與本院官分定志傳名冊每月不關課程然臣竊謂若只如見今次第即
正史之成治未可期錄正史當據實錄又錄實錄往往差誤史官自合旁
采異聞考驗增損謹按神宗實錄三次重修未見相攻是非易見雖事跡
尚多脫遺比後來實錄已是不同哲宗實錄亦兩次重修兼臣先因續資
治通鑑長編頗嘗收集參定實錄外略得一二惟是徽宗實錄陳年特甚
難逐準憑下筆若務速成不計臧否只須取四朝實錄分散事迹添未立
諸傳并綴緝諸志數月間亦粗可了但恐因循滅裂終致人言况史院官
遷改去住不常所見人人殊異又未嘗對面商榷互相點檢文字浩瀚何
由速成臣頃因轉對嘗其奏章乞依祖宗典故就委史院官重修徽宗實
錄蓋欲反今文字未至十分淪落更著意收拾同力整齊庶幾正史他日
傳信不疑未蒙施行重念臣去年進呈欽宗紀草乞先推實幸蒙特賜矜
允限因進續資治通鑑長編自建乾乾治平凡一百八卷乃蒙誤恩特與
增秩每懼不稱陛下獎擢之意其治平以來自合依詔旨接續修進乞特
許臣專意討論徽宗一朝事迹纂述長編長編既具即可助成正史從之
六年五月四日國史院狀依指揮條具併有吏類凡管一十一人欲將書
庫官邢彥德減罷以一十人為額從之七年二月十一日國史院言見編

修四朝正史合要神宗哲宗昨在京所修正史帝紀志傳并四朝聖旨御
筆及應干詔旨御筆文字本既重降到指揮許令投獻昨據賓州助教楊
志發繳進元祐宰臣呂大防家所藏神宗哲宗兩朝御筆并元祐皇太后
遺浩已蒙朝廷將楊志發特補榮州文學出官欲乞將楊志發推恩事理
鑒板遍下諸路州軍專委知通多出文榜曉諭搜訪許令投獻優與推恩
如文字詳備者并知通推恩從之淳熙元年七月二十三日右丞相曾懷
提舉國史院提舉司以右丞相兼或以參知政事權月後不書五年十月
二十五日翰林學士知制誥兼修國史周必大言被命纂降四朝正史類
同僚協力衰類事實粗見功緒今當下筆之際事體尤難前朝國史雖是
衆人分撰然當時案牘可以稽提是非可以詢問貴成一手不至訛舛南
渡以來文籍殘闕往往搜求散軼考證同異若非參合衆智深慮不相照
應抵牾者多嘗與衆議分手撰述每遇一志一傳成篇並令在院官互相
修潤庶幾首尾貫穿體製歸一無思慮不周之患乞降指揮遵守從之
七年十二月十二日國史院上神宗皇帝哲宗皇帝徽宗皇帝欽宗皇帝
正史志一百八十卷十年七月十七日李憲言今史官猶有閒員乞選兼
職少者委任之庶幾專力速成大典從之八月二十六日起居舍人兼國

史院編修官趙彥中言國史明得失之迹所以信萬世之傳也陛下因近臣之言趣就史功以臣愚見中更建炎多故史籍散軼事難盡詳經維本末必有可考乞詔諸儒凡群臣當立傳者其於忠邪善惡大際之際苟可考證必乞分明但使褒貶昭然勿顧其子孫之怨庶幾萬世之下有所考信從之十二年二月六日宰執進呈右司員外郎尤袤奏國史院編修官上曰李焘去後史院未有修史官若李焘在此不知今已成書否王淮等奏亦未遽成更有諸傳未畢如紀主等傳闕畧尚多上曰若無所據姑闕之因顧梁元永曰可以此意宣諭史院七月九日通議大夫充敷文閣待制提舉佑神觀兼侍講兼同修國史洪邁言自到局之後約畧稽考提院吏所具除紀志已進呈外當立傳者千三百人其間紀嬪親王公主宗室幾當其半然家世本末履歷始終不可見者十而七八必俟究得其實然後為書誠恐日引月長無由可畢乞下本院許提只今所有事狀依做前代諸史體例分類載述不必人為一傳其內外臣僚或有官雖顯貴而無事蹟可書正如漢世劉舍薛澤許昌之徒位至丞相而司馬遷班固不為立傳於事亦無所聞今亦乞依此施行刪去其未畢者乞詔提舉率臣量立程限責本院官併力修纂俟將來玉牒會要纂書之日同時上進庶

幾累朝信史早有汗青之期從之八月二十七日遣中前將紹康一年
內修纂批進

兼侍講兼同脩國史兼直學士院洪邁言頃嘗奏陳乞候脩纂四朝國史
了畢日將九朝三項國史合為一書已蒙聖意開納今臣所修書計列傳
八百八十目即已成七百餘傳所餘不多度至十月可以畢事所有元乞
接續編撰九朝史事乞先降指揮容臣扶命下之日從本院預牒在外州
軍搜訪遺書逸事候今冬投進見修書畢然後別取旨擇日開院從之十
一月二十一日國史院上四朝國史列傳一百三十卷十二月九日詔國
史院減書庫官一人楷書二人以司農少卿吳玠為院官下教令所裁
定故有是命嘉泰三年五月十六日資政殿學士傅伯壽言竊惟國史雖
據金匱石室之藏然天下散失舊聞亦不可不網羅也中興以來修藏宗
實錄則采元符詔有修四朝國史則采續資治通鑑及東都事畧今孝宗
光宗實錄已成將修三朝正史自建炎丁未至於紹熙甲寅六十八年興
冊所書固已燦然其間豈無登載漏脫傳聞異同之患凡事有舊記述可
不廣取而參考乎今史館所收三朝北盟會編中興通史中興小曆三書
恐如此之類尚多有之臣以為宜發明詔廣加求訪如有以書聞者下之

史館有詳果有可采少賜旌賞其有承不能繕寫者官給以筆札庶幾詳
言畢華正史不日可成矣本朝國史創皆無表則歲月久逸將無所考臣
愚謂且依漢唐之史增立年表如唐文宗時增立年表與紀傳並傳或萬代之信史豈不美
不能下筆故晉書三志無表志與紀傳並傳成萬代之信史豈不美
歐從之四年三月四日起居郎其子純奏竊見史院修進三朝實錄臣僚
列傳類多遺闕推原其故蓋以歲月深遠向之為史官者既失於紀載後
之為史官者又以耳目不相接無以知其人之實乞明詔史院今後有合
立傳臣僚於致仕贈官之後即從史院行下所屬州郡取索其家但千文
字發送著庭仍檢照日曆內有無碑奏為舉文字參考立傳庶幾賢佞不
莠美惡並著以為異日作史之備從之

宋會要實錄院

紹興初實錄國史皆寓史館後罷史館通脩實錄即置實錄院通脩國史
即置國史院九年二月以脩神宗哲宗徽宗實錄始置院以宰臣一員
提舉修撰同修撰檢討官無定員檢討官以本省官或他官兼而
修撰官如史館則更顯點檢文字一人書庫官八人稽書四人先以他書
省人就差後從本院差為高宗紹興七年閏十月十四日詔史館見修纂

官

聖文仁德顯孝皇帝日曆依祖宗實錄體格擬見到文字逐旋撰類候有
接續添入仍以實錄為名以著作郎何倫言日曆以事繫日以日繫月比
之祖宗實錄格目尤詳首末不全編次無日故有是命九年二月二十二
日詔史館見修徽宗實錄以實錄院為名直提舉官一員修撰同修撰檢
討官無定員應干事件並依史館例先是建炎元年五月八日詔史館重
修神宗實錄至紹興六年五月先編次神宗書成進呈推恩史館官
吏各特轉行一官更減三年磨勘內首尾修書不經進官并修書不全首
尾官各特轉行一官更減三年磨勘開院供職官特轉行一官都大提舉
諸司承受詣司官各特轉行一官更減二年磨勘本院點檢文字書庫官
楷書進奏官各特轉行一官資更減三年磨勘選人比類循資施行其餘
吏賜有差至八年九月內哲宗書成推恩如進神宗實錄之制至十年七
月十四日又詔史館修徽宗實錄至二十八年八月十一日先成六十卷
進呈其推恩依進神宗實錄例以上皆史館至是始置院也同日詔將史
館前廳充實錄院作角門通過史館并秘書省同日詔實錄院下禮部開
借奉使印一面行使候結局日送納同日詔實錄院修撰同修撰修史館
修撰各差破二人檢討官依史館校勘著作郎佐各差一名其所差楷書

升本院有官人吏並依史館下指書已得指揮同日詔實錄院依史館例已差三省供檢文字各二人外每省各更差二人同日詔宰臣秦檜兼提舉實錄院其脩撰同修撰檢討官並令秦檜辟差是日以禮部員外郎劉昉為檢討官四月二十八日詔實錄院漏泄許人告賞錢二百貫同日詔令諸州長吏詢訪先朝事執侍從臺諫及其子孫有知當時故實及收藏先帝宸翰並令抄錄繳申有漏史事從本院保明優加旌賞同日詔實錄院遵用景德中脩太祖太宗正史體例每編及二年先具草本進呈五月五日詔實錄院合用錢物並從本院別行開取又使先是就史館開院就史館錢物又使令別行置院故有是命同日詔實錄院人吏就差史館稅書省人吏相兼祇應仍依條招收私召四人專一書寫實錄文字請給依史館指書例同日詔實錄院合取會內諸司文字從本院報皇城司關出入宮門已號一十道同日詔實錄院置翰林司厨子製界作各一名及下步軍司差檢看管兵士六人並與史館相兼逐已人祇應十年二月二十九日詔史館提舉諸司承受等并官吏並併歸實錄院依舊接續又破見請給其本院每月添破揭設錢更不支破以罷史館也四月十九日詔權吏部侍郎范同兼實錄院修撰始除修撰官也二十一日詔實錄院就編

徽宗御製令禮部行下諸路州軍搜訪送院從檢討官朱翌之請也八月十九日詔進呈徽宗實錄並依閣門擬定儀注其日常御殿禁衛諸班直親從親兵等職扇從物并內侍省執骨朵使臣排立如儀御馬不入儀駕司設香案祔位於殿上東壁香火入內侍省使臣祔解實錄院擎檐狀入於

殿東階下稍南禁衛西排列照檢文字使臣書庫官並扈駕於檐牀西一

行立俟引進書官入殿於殿下西向立定內侍傳排立皇帝服履袍出殿

下鳴鞭禁衛諸班直親從親兵等并內侍省執骨朵使臣實錄院照檢文

字使臣書庫官擎檐狀親事官並扈駕自贊常起居皇帝坐內侍自押班

御帶以下以次常起居畢舍人引提舉實錄院官以下一班重行宣召常

起居訖於殿下西向立入內省官四員下殿詣檐牀前檐牀上不置地取

匣上殿於殿上東南壁面北排匣立提舉實錄院諸司官一員西西檐

面南啟封開錄訖出笏退歸位承受一員至匣前檐笏於匣內取書複置

香案上出笏歸位皇帝起詣香案前面東三上香兩拜訖復歸御坐舍人

揖提舉實錄院修撰官升殿東面西向立定餘下殿下內侍進御車子

提舉實錄院修撰官近前承受摺笏於香案上取書冊捧納提舉實錄院

官摺笏接冊置御卓子上分修撰官一員過西面進讀皇帝起執手看實

錄進呈畢修撰官當御前却過東西提舉錄錄院官收實錄冊却傳承受
播劄接訖提舉實錄院官出劄皇帝復歸御坐承受捧書入內省官
捧書匣下殿內侍徹御卓子提舉實錄院脩撰官降階舍人接引當殿與
進書官合一行重行立定揖賜贊各祇候直身立如傳旨謝恩先修撰官
以下次提舉實錄院諸司官以上次點檢大字使臣以下逐班兩拜謝訖
退如傳旨賜茶引合赴坐官賜茶如儀舍人報閣門無公事皇帝起鳴鞭
還內十一年七月詔參知政事范同兼修實錄十四日詔實錄院進呈藏
宗實錄了畢修撰檢討官各特轉行一官更減二年磨勘首尾修書不經
進書官并脩書不全首尾官各特轉行一官更減二年磨勘附院在院供
職官特轉行一官都大提舉諸司承受諸司官各特轉行一官更減二年
磨勘實錄院點檢文字書庫官楷書進奏官各特轉行一官資更減三年
磨勘選人比類循資施行三省樞密院專差供檢文字三省禮房職級行
遣人各特轉行一官資更減二年磨勘應合寄資人仍寄資守當官守闕
減半點檢催驅印房依條施行專差承發巡白文字各與減二年磨勘願
支賜者依昨進舊宗實錄例三自轉資人候入正額日與支破請給諸廳
供檢楷書引接提舉諸司下人吏各特轉一官資內礙止法人依條回授

天文官各與減二年磨勘應該今來轉官減年內未有官未有名目及未
合收使人並候有官或有名目日依今降指揮特作轉官資減半數目收
使磨勘年限不同人依四年法比折內減年願依條回授者聽實錄院守
門親事官庫子裝界作收送文字大程官親事官厨子漢儒翰林司兵士
提舉諸司承受諸司下背印役送文字親事官軍典兵士判員管火兵級
各持轉一資內不願轉資人令實錄院於雜支錢內各支二十貫祇書省
經修書不經進書使臣人使稿設一次十七年五月十八日詔實錄院依
車輅院祇候庫例於殿前司城內營寨差撥救大軍兵二百人遇有風燭
即時赴院救護十二月二十九日詔右承奉郎新差書院編修官權實
錄院檢討官周紫芝權綴樞密院編修官班次二十二年六月四日詔實
錄院監門每月支破別給錢三十貫食五錢一十貫二十七年七月七日
尚書右僕射湯恩退差提舉實錄院錄舉字孫恩退父名詔改作提舉十
一月二十六日中書舍人周麟之兼實錄院同修撰始除周修撰也二十
八年七月五日詔進呈安奉徽宗實錄差實錄院都大提舉諸司張見道
充都大主管官同日詔差左僕射沈充進呈安奉徽宗實錄禮儀使十
一日詔編修徽宗實錄八月十一日進呈太常寺同本院討論儀制前一

日於秘書省道山堂設幄權行安奉用儀仗樂人僧道法事作樂更互排
立禮儀使提領實錄院官編修敕宗實錄官屬等宿衛一進書日宰執伏
相待從臺諫兩省官知閣禮官并南班宗室及編修實錄官騎導禮儀伏
提領實錄院官騎從本所提舉諸司官并承宣官主管諸司官往來照管
一前二日奏告景靈宮從太常寺具稟目申中書門下省降敕差官一合
用教坊鈞容直樂人各百人細仗二百人援衛親從官二百人並裝着儀
法全并威儀僧道共一百人並前一日就宿衛處依禮例更互排立并至
日巡奉及安奉更互作樂及合用槿竿絲結殿子腰牌鞞官裝着儀注全
下郎筆院計會本院合用人數差撥一安奉日令節更臺閣門太常寺集
百官於教文閣立班安奉一應行事官自宰執至諸司職掌更破進呈安
奉日喫食及前一日宿衛官屬等早晚喫食並令臨安府專委官及差衛
前計會排辦一合用儀衛燭籠六十對并執掌人一百二十人管押二人
今都大提舉諸司下皇城司差辦一騎導官并編修實錄官屬等關馬從
所屬報殿前司時暫差撥於行事前二日到事畢發還一人吏并諸色祇
應人前一日宿衛并至日食錢等錢並依禮例從實錄院提舉諸司官比
擬更破一進呈日若不測直雨許令導從官并諸色祇應人拖雨具或地

下濕潤並先導步從徑詣拱殿門外幕次所有腰牌匣等合用油絹
怕傘令臨安府前期計會諸司備辦一進呈日諸司祇應人內有無敕號
之人令逐處前期開具人數姓名保明報皇城司呈日故令出入次日皇
帝不視事有司作休務假一日並從之二十一日紹編修徽宗實錄成書
并先修實錄六十卷內有添修制冊及臣僚立傳等事依故事通著見令
實錄院官臣等名銜具表繳進先是紹興十一年內提舉官宰臣秦檜進
呈先修到實錄六十卷降付本院至是成書故有是命八月七日詔今月
十二日進呈徽宗實錄並依閣門擬定依注其日不視事佚有司排雷備
重拱殿排立禁衛諸班互親從等排立如儀儀鸞司設香案等并椅位於
殿上東壁和閣門官前導簿書官二員自殿門接引腰與至殿東階下稍
內禁衛西立定實錄院點檢文字以下並展身隨腰與入殿腰與西一行
立候閣門報引騎導官并實錄院修撰官同修撰官以下次報引禮儀使
提領官入殿並展身於殿下分東西相向立定閣門附內侍進班齊拜皇
帝服履祀出宮殿下鳴鞭禁衛諸班互親從并內侍省執骨朵伏臣實錄
院點檢文字以下并掌腰與筆官並迎駕自寶常起居四年腰與筆官不
拜上應諾皇帝坐內侍省押班御帶以下一班展身常起居各居殿上侍

大知閣門官以下并樞密都承旨修注樞密院諸房逐房副承旨提點
 同提點承旨諸司抵應武功大夫以下並展一
 班閣班宣召常起居樞
 密院承旨修注升米殿侍上餘各歸內立抵應
 管軍一班展宣召常起居
 次行門常起居次舍人分

引禮儀使提領官執政官修撰官同修撰官以下并騎導官一班展宣
 召常起居訖禮儀使提領官執政官修撰官同修撰官檢封官殿下面西

立於官並分出入內官下殿詣腰輿前取匣上殿於殿上東壁卓子上
 置定知閣門官前導皇帝起詣藏宗皇帝寶錄香案前褥位上面東立閣

門提點奏請三上香訖又奏請拜皇帝再拜訖知閣門官前導度歸御坐
 舍人揖禮儀使提領官執政官修撰官同修撰官並升殿侍立俟入內官

進御卓子提領官修撰官同修撰官近前立定修撰官於御前過西壁向
 東立提舉諸司官至匣前揖笏啟封開鎖訖出笏歸侍立承受官揖笏於

匣內取寶錄訖轉受提領官訖出笏提領官揖笏按御卓子上出笏
 皇帝起於御座前立提舉諸司官過西壁與承受官並揖笏揖訖出笏

修撰官揖笏取篋于指讀進後得冊並如上儀
 且立提領官揖笏收冊復受承授官訖出笏如再有進讀冊並如上儀供

進寶錄訖皇帝復座修撰官置篋于於御卓子上出笏却過東壁拱領官
歸侍立俟入內官徹御車子禮儀使提領官以下並降東階下殿東壁面
西立承宣官捧寶錄捧篋入匣提舉諸司官領班入內官捧篋下殿
於殿與儀司徹香案等舍人領禮儀使提領官當殿立定引互身各出
班告謝訖歸位立揖躬身贊拜兩拜訖贊各祇候且身立如有宣御諭藥
下殿宣諭訖揖躬贊拜兩拜訖贊各祇候且身立舍人引歸殿下面西立
次引修撰官以下一班告謝兩拜如傳旨謝恩舍人承旨修撰官以下一
班兩拜謝恩訖修撰官同修撰官殿下面西立檢討官以下並先退次引
提舉諸司官承受官以下一班次引寶錄院點檢文字以下一班各謝恩
兩拜謝訖歸位立如傳旨宣坐賜茶合赴坐官賜茶如儀賜茶畢次舍人
報閣門無公事皇帝起還宮殿下鳴鞭知閣門官前導簿書官前引腰牌
出殿退十二日詔進呈徽宗皇帝寶錄了畢所有宿衛進呈安奉被差官
吏諸色人並依例支破銀絹內兩班又賜人從一多給主管諸司具一宿
衛進呈安奉三節次人數每一節次修撰二員每員銀絹各五十疋兩檢
討官三員每員各四十疋兩三首樞密院供檢五人每員各一十疋兩提
領官下供檢討二人每人各一十疋兩三首樞密院供檢六人每人共七疋兩三

省禮房主事計一十九人每人各五疋兩實錄院供檢大字二人每人各六疋兩點檢文字一人各五疋兩提領官下楷書五人每人各四疋兩實錄院監門使臣各四疋兩三省禮房守當官守閣四十九人每人三疋兩實錄院書庫官八人各三疋兩實錄院楷書雜務使臣共六人各疋二兩實錄院投進文字通引官進奏官庫子裝界作守門親事官大程官三十人各絹一疋都大提舉諸司一員銀絹各七十疋兩承受御藥一員銀絹各五十疋兩諸司官二員銀絹各三十疋兩提舉諸司下催從廳辦使臣點檢文字職級五人每人銀絹各一十疋兩提舉諸司下禮五官主管文字七人每人銀絹各五疋兩承受并諸司下使臣人吏六人每人銀絹各四疋兩提舉諸司承受主管諸司下快行親從一十九人各絹二疋一宿衛安奉二節次人數每一節次扶侍捧匣官八員每員銀絹各一十疋兩臨安府通判方擴各一十疋兩提舉諸司下赴擇官銀絹各七疋兩諸司下翰林儀駕司御厨人員七人每人絹三疋諸司下翰林司御厨工匠庫院子儀駕司工匠共四十三人每人絹二疋一教文閣官吏昨安奉神宗皇帝寶訓顯謨閣官吏添支一節次銀絹今未事體一同比擬到內幹辦官二員每員銀絹各三十疋兩權幹辦官二員每員銀絹各十一五疋

兩掌庫典事共五人名絹二疋銀一兩五分貼書共五人每人銀絹各一疋而一奏告行事官一即次執政官共三員每員銀絹各一百疋而侍從一十一員每員銀絹各三十疋而臺諫五員每員銀絹各二十疋而以上銀三十八百八十六兩絹四千三百一十八疋從之二十日詔實錄院藏藏宗實錄副本不許諸官司闕惜膳廨及臣僚之家私自傳誦二十九日詔實錄院進呈藏宗實錄了畢一行官吏依進仙源類譜推恩則本院官五員各持轉行一官更減三年磨勘諸司承受官四員各持轉行一官更減二年磨勘內張見進條承宣使許回授經修不經進見凡行供職官一員持轉行一官更減二年磨勘本院供檢點文字書庫官楷書進奏官等十人各持轉行一官更減三年磨勘內主管錢物使臣進奏官與轉行一官員書庫官入仕及七年以上特與依例比換進義副尉提領官下供檢二人各持轉行一官更減二年磨勘願支賜者並依玉牒所門三有樞密院供檢九十九人元得轉行一官減二年磨勘已降指揮並減半推賞各持減三年磨勘守當官守闕減半點檢催驅叩房依條施行承接巡白文字與減一半磨勘礙止法人依條回授願支賜者依例時政記房主管文字五人隸屬禮房昨進書條減二年磨勘已減指揮減半推賞各持

減一年磨勘願支賜者依則天文官吳縉一名特轉一官諸廳指書役舉
諸司承受諸司下人吏十八人各特轉一官資應該今未逐項轉官減年
內未有官未有名目及未合收使人並後有官有名目日依今未指揮特
作轉官資減年數目收伏磨勘年限不同人法四年法比折內減年願依
條回受者廳守門親事官通引官庫子兵級等六十三人各特轉一資內
不願轉資人令於雜支錢內支錢二十貫孝宗乾道二年十二月十四日
起居舍人惠權直學士院兼國史院編修官兼權中書舍人洪邁等言已
降指揮欽宗日曆可免追呈發付國史院依例修纂實錄今檢會國朝典
故申請下項一遇修實錄則置實錄院一元符三年八月哲宗祔廟九月
內詔國史院修纂實錄今更不置局止就國史院修纂一行移文字以實
錄院為名就用國史院記印一更下添置官止以見今國史院官兼充一
乞差提舉實錄院官一同修撰官乞差見今國史院編修官一檢討官乞
差見今編修官提舉諸司承受主管諸司官亦乞就差國史院提舉諸司
承受主管諸司官一所有官屬更不添支食錢一合要修書人吏并諸色
等人及提舉諸司承受諸司下人吏等止就差逐色人相原更不添支食
錢亦不增添人額一所有公使錢就國史院錢內支破更不添支其合用

紙札等並依昨修藏宗實錄已得指揮施行一合用參照文字已係日曆所節次搜訪到今已訂下本所蓋數發赴本院其本所經修日曆官曆俱本院進呈實錄日並行開具姓名取旨施行一更有合要臣僚之家服用文字乞從本院行下搜訪一依已降指揮擇日開院凡文官吳澤等選到十二月十九日一每月提舉官過局已就用國史院日分更不別行排辦一今未所修欽宗皇帝實錄乞令本院限一年內修纂進呈詔並依魏犯兼權提舉實錄院洪邁兼實錄院同修撰洪邁言得旨編修欽宗實錄兼權中書舍人兼同修國史實錄院同修撰洪邁言得旨編修欽宗實錄正史除日曆所發到靖康日曆及汪藻所編靖康要錄并一時野史雜說與故臣家搜訪到文字外緣歲月益久十下存一雖靖康首尾不過歲餘然徽宗朝大臣多終於是年其在今錄皆當立傳詢之其家已不可得欲訪之故臣遺老則存者無幾復復不問則史策脫略漫無紀竊見前數大閣待制致仕孫觀在靖康中實為臺諫侍從親識當時之人親見當時之事其年雖老筆力不衰乞詔觀以其所聞見撰為東京王綱重寶錄俟梁師成譚植朱祁种師道何鼎劉延慶蕭昌譚世勛等列傳及一朝議論事蹟凡國史實錄所當書者皆令條列上送本院庶幾遺文故事得以畢

集不至放失舊聞以闕大典從之八月十二日左朝奉郎致仕孫觀奏被旨令撰蔡京王黼等列傳伏見神宗實錄藏之金匱久矣紹聖以來兩經刊削今有二書臣今被旨所當書者皆誤社稷大惡更無記注日曆為根據而出於一夫之手他日怨家仇人襲紹聖之跡指為誹謗吠聲之衆群起而攻之臣腰領下足以薦鉞斧詔暢然以樂為懼况列傳之體合得州里世次出身踐歷歲月終始移文所屬實報應皆非臣所能辨欲望察臣衷謝非宣力之時而私家亦非修史之地今欲自蔡京以下臣所親睹事迹有實狀者旋行記憶每得十數事則結寫續申實錄院以備史官採擇乞先臣下筆作傳以追越職出位之咎從之十月十四日詔孫觀繼到蔡京事實降付國史實錄院十二月十一日中書舍人兼同脩國史兼實錄院修撰洪邁言實錄昨於去年十二月十四日奉旨修欽宗實錄限一平內修纂進呈臣旋著作局發到靖康日曆及續行搜訪到當時事蹟以事繁日盡行編類勢須于細故擇推見端緒乃敢記述兼有行下他處取索文字未能齊到今未已及一年欲望更賜指揮展限一季許於明年三四月間同國史院修成帝紀一併擇日投進貴得一朝信史可以傳後從之四年三月二十四日洪邁言昨被旨修纂欽宗實錄今未已獲成書

欲於四月內并欽宗本紀一併提進如蒙開可乞下太史局擇日候進書
了畢日將實錄院立限結局併入國史院一就修纂四朝正史施行從之
二十六日尚書右僕射兼樞密使提舉修三朝國史提舉實錄院韓侂胄
得旨於四月內進呈欽宗實錄并本紀者臣竊念書固不可不脩既成不
可不進然一遇進書虛文浮費不可勝舉有奉告之禮權安奉之禮宿衛
之禮進奉之禮進呈之禮安奉之禮拜長之禮謂之節次自宰相而下至
於百執事之人相與講禮文武導從伏衛羅列數坊鈞容直作樂僧道威
儀各執其物至數百人支賜重疊下周臺銀絹錢物費用浩濫檢照國
朝政事凡進實錄不過宰臣奉史官詣崇政殿以獻而已紹興十年進獻
宗實錄裁定進呈儀注然亦止用史官二十四年進獻宗御集始下有司
參酌討論典禮於是置禮儀使為安奉宿衛等制其後因仍遂以為例皆
非故事當從歷正况欽宗即位才一年一朝事實皆可痛哭尤不當引用
舊制今次進書所有禮文支賜請一切罷去止令本院官進呈從之四月
十二日中書舍人兼同修國史兼實錄院修撰洪邁右司員外郎兼國史
院編修官兼實錄院檢討官胡元質言實錄院已降指揮進呈欽宗實錄
并帝紀合用儀範乞下閣門修定外所有申請事件一依自来體例修撰

官進讀實錄第一卷從上五板一俟進呈畢依例繕寫小本承受官進納
御府一俟進呈畢欽乞委本院都大提舉諸司承受官請御封一面赴龍
圖天章等閣權行安奉一合用權牌親事官三十人管押人員一名欽乞
敕皇城司差撥合用牌號令一面關請施行一進呈白經由和寧門南北
宮門至垂拱殿門竊慮祇應人內有無教號之人欲前期具人數姓名保
報皇城司至日放令入出一進呈日若不測輒兩所有腰牌匣合用油
絹怕蠟令臨安府前期應副施行一依已降指揮俟進呈畢將實錄院限
五日結局並從之十八日閣門狀已降指揮四月二十三日進呈欽宗實
錄并帝紀合用儀範之下閣門修定閣門除具進郎如乾道六年五月八
日進呈四刻會要之儀五月四日國史院言實錄院進呈欽宗實錄并帝
紀了畢一行官吏諸色人等可依去年玉牒所已裁減例推恩施行內修
日曆官吏除右僕射符芾已詳免外餘各特減二年磨勘本院今依已降
指揮并去年玉牒所以裁減體例開具合推恩官吏諸色等人下項經修
進官提舉諸司并承受官各特轉行一官吏減一半磨勘內李綽許曰檢
經修不經進見行在供職內待官特轉行一官經修不經進在外官特減
二年磨勘主管諸司官王元修特轉行一官開實錄院日日曆所發到欽

宗日曆在職官曾經脩曆日見行在供職官各特減二年磨勘實錄院修書人吏各特轉一官更減一年磨勘日曆所元發到日曆人吏各特減二年磨勘內願支賜者依例施行除人等第推恩十三日宰執進呈禮部員外郎兼國史院編修官李燾劄子伏觀降旨進呈欽宗實錄并帝紀畢一行官吏並推恩亦該特轉一官仍減一年磨勘者竊惟實錄成書推恩自有故事固不當辭而燾元不與脩實錄但與修本紀則轉一官減一年磨勘誠非所當得蓋脩史先進呈帝紀自淳化始凡所以先進呈者群臣筆削或有失當因取決於聖裁故疏為進呈紀草其推恩則必特志傳傑成雖徽宗驟於用賞亦未遽改此故事神宗正史及哲宗正史成書在崇寧三年及宣和四年凡修史官姓名及推恩等第可考而知政和以後咸異前聞然文字散逸所載官職往往差誤以難準憑要當以熙寧為正謹按熙寧十年七月進呈仁宗英宗兩朝紀草其進讀顧問賜坐賜茶並如儀獨無推恩指揮其推恩乃至元豐五年六月參照首尾證驗明白則意於今日不當局受此實實諸儀理豈不曉然兼燾亦非敢終辭此實姑待成書乃可議也謹按太祖太宗真宗三朝史天聖五年二月脩至八年六月成凡歷四年仁宗英宗兩朝史熙寧一年五月脩至元豐四年六月成

凡歷五年今修神宗哲宗徽宗及欽宗四朝史已踰十年則其書自當趣成苟燕尚得被數牛馬走姑待成書徐加恩賞既有故事可遵燕又安敢飾說固辭若於今日便與脩實錄官同轉一官減一年磨勘則誠為不可伏乞敷奏追還新命上曰說得極有理蔣希奏曰陛下若從其請亦可以激勸貪鄙之士上曰極是宜從之五年十二月二十三日詔書火監監國史院編修官李燾言竊見太平興國三年初修太祖實錄命李昉扈蒙李穆郭贊宋白董淳趙降幾同修而沈倫監修五年成書及咸平元年真宗謂倫所脩事多漏略乃詔錢若水王禹偁李宗諤梁穎趙安仁重加刊脩呂端及李沆監修二年書成前錄文武臣僚止九十一傳沈整其闕錄合成一百四傳凡得姓受禪平僭偽更法制皆創行紀述視前錄稍詳而真宗猶謂未備大中祥符九年復詔趙安仁晁迥陳彭年夏竦崔遵度同脩王旦監脩明年書成蓋自興國至祥符前後凡三修太宗實錄初脩於至道二年再脩於大中祥符九年祖宗實錄皆不但一修此故事也神宗實錄初脩於元祐再脩於紹聖又脩於元符至紹興初凡四修哲宗實錄初脩於元祐再脩於紹聖惟神宗哲宗兩朝所以四脩再脩則與太祖太宗異豈不獨於事實有所漏略而已又輒以私意變亂是非紹興初不得不

呈仍乞下史官參詳筆削從之四月七日國史院言檢準臣僚劄子乞依祖宗典故重修徽宗實錄一檢會國朝典故遇修實錄則置實錄院今已依脩哲宗欽宗實錄體例止就國史院修一行移取會大字以實錄院為爲就用國史院印記一更不添置官提舉實錄官依典故差見今提舉四朝國史官充修撰同修撰差見今修國史同修國史檢討官差見今編修官提舉諸司承受主管諸司官亦就差國史院提舉諸司承受主管諸司一所有官屬更不添支食錢一合要脩書人吏并諸色等入及提舉諸司承受諸司下人吏等止就差國史院逐色相兼更不添支食錢一公使錢就於國史院錢內支破其合用紙札照例提實最開取一今未重修徽宗實錄依做昨未重修神宗哲宗實錄體例限以二年成書一搜訪取索文字之類並乞依昨脩徽宗實錄前後已得指揮施行並從之淳熙三年四月十六日詔重修徽宗實錄限一年成書四年三月九日實錄院上重修徽宗皇帝實錄二百卷考異二十五卷目錄二十五卷十九日李焘言實錄院官吏當未除差國史院官吏相兼今來書成結局合行罷兼從之十五年三月十一日翰林學士兼脩國史洪邁言檢照國朝典故累聖祠廟之後即詔國史院修纂實錄今未聖神武文憲孝皇帝靈駕發引有日乞

令本院候附廟畢取指揮擇日開其官吏並乞就用國史院官吏為之
更不添置員闕亦不增給食錢之類如蒙開允其合行事件容臣逐一開
具申尚書省施行從之既而五月本院申請一檢照修徽宗皇帝實錄典
故添史館修纂今依已降指揮就國史院脩纂一行移取會文字等依典
故以實錄院為名其印記就用國史院印記一乞依累朝典故差提舉實
錄官院係就差提舉國史院官脩撰同脩撰官就差脩國史同脩國史官
檢討官就差本院編修官提舉諸司承受主管諸司官亦就差國史院提
舉諸司承受主管諸司並降敕差一依已降指揮擇日開院今乞依徽宗
欽宗實錄體例今本院天文官選定日分照例施行一乞朝廷訓下日曆
所將前來所進副本并應干合用文字等盡數發赴本院修纂一申奏行
移并取索文字約束等並依國史院前後已得指揮體例施行一合要高
宗皇帝朝曾任宰執侍從卿少監少府監事官等被受成敗祿賜御筆
手詔及奏議章疏劄子并判牒日記家集碑誌行狀謚議事迹之類要守
臣躬親詢訪如逐官其間有已物故者詢其家子弟取索如却快稍多差
人前去抄錄及委官點對津發赴院仍許投獻優賜鈔帛多者推賞一今
來修纂實錄合要自建炎以來至紹興三十二年應干朝報六曹寺監題

名并吏部增添省罷員關戶部州郡戶口數目敕令所增改刪除條法因
信所奉使名卿國書欲乞並從本院取索抄錄照使如供報違限隱漏不
實乞依紹興元年四月八日史館已得指揮施行一脩書人吏并諸色人
及提舉諸司承受主管諸司下人吏等止乞就國史院逐色人相兼祇應
一每月提舉官過局乞就用過國史院日分更不別行排辦一今來修纂
實錄所有欽札公使錢更不別行申請止乞就用國史院紙札公使錢支
破候將來書成日別行申請施行從之六月十八日國史院言已降聖旨
指揮修高宗皇帝實錄有申請事件下項一已降聖旨指揮編修九朝國
史以國史院為名續淳熙十五年五月二十三日已降聖旨指揮修高
宗皇帝實錄依累朝典故以實錄院為名今來所修九朝國史乞權行住
修候實錄成書日別行申請朝廷指揮施行一行文字依典故以實錄
院為名就用國史院印記行快一提舉國史院乞改差充提舉實錄院一
脩國史同脩國史乞改差充實錄院脩撰同脩撰一國史院編脩官乞改
差充實錄院檢討官都大提舉諸司承受主管諸司亦改差充實錄院都
大提舉諸司承受主管諸司官並降敕差一國史院見今官吏諸色人等
及都大提舉諸司承受主管諸司下人吏諸色人等更不添置員闕亦不

增添食錢止與接續軍勘見請給一寶錄院合用公使錢紙札等及應合
行事并並乞依國史院前例已得指揮體例施行一今未開院依已降指
揮選定日分限所屬照例施行一都大提舉諸司下應合行事件等乞依
逐處申請到已得指揮體例施行一合要日曆副本并抄訪取案諸司內
外等處應干合用文字等並乞依淳熙十五年五月二十三日已得指揮
施行從之十九日詔寶錄院依典故編修高宗皇帝御製既而寶錄院言
編修高宗皇帝御製合要臣僚士庶之家并僧道等處應被受戒狀載高
宗皇帝御製御筆手詔及詩頌雜文注解經義等文字照使內行在從本
院取索抄錄其臨安府并諸州軍乞令逐路轉運司搜訪仍出賞募人投
獻如稍有少者優與推恩從之淳熙十六年七月九日臣僚言恭觀去歲
詔降高宗寶錄權停國史併力此書兼纂高宗皇帝御集以嚴煥章之本
實我宋中興之盛事竊見向來四朝國史列傳久不成書專置修史立以
年限始克進御今此事大體重非四朝列傳之比欲乞命官專脩勿康元
職稍增員屬而旋以洽識博聞之士量立年限而使無玩愒愒日之圖則
建炎紹興之編與光興而並傳美茂之紹熙元年七月八日詔參知政事
葛邲權提舉寶錄院十二月十三日詔參知政事胡晉臣提舉寶錄院四

年二月十六日詔右丞相葛邲提舉實錄院五年正月二十四日詔參知政事陳騤提舉實錄院十一月二日吏部尚書兼實錄院脩撰鄭僑等言本院修纂高宗皇帝實錄舊錄日曆所書間有疎略去處合於三省樞密院從省郎史臺誅院及百司等處取索纂續等文字欲乞朝廷別下逐處應本院閱借文字至時檢尋應付以憑修纂又照得今來所欲取索未續等處內三省樞密院後省御史臺誅院文字最係緊切其逐處先差下人專一檢尋應到仍以姓名開報本院如能定心不致因循稽滯候書成日許從本院保明與推賞又竊聞御史臺誅院後省逐將將章奏指揮等編錄成冊最為詳備本院亦合閱借欲乞併賜指揮施行從之二十八日中書舍人陳傳良言史事至重不宜以他官兼領今史院檢討皆是東局吏出迭入有同傳舍至修撰亦以從臣兼之事不淹久往往去掌機政一朝鉅典無由統緒今職名中有視閣脩撰右文殿脩撰并舊有文館校勘等正是三館修書官名目郎察卿監補外之人皆得除授若將此三職名置為史官以二年為任自史館校勘之類供職稍遷視閣修撰又稍遷右文殿脩撰在院亦七五年俟有勞績雖就遷次對如李燾洪邁兼領可也則是史館與郎察卿監可以馴至從班事體略同有專官之效無

冷局之嫌庶幾大典責成有人詔寶錄院檢討申尚書省慶元元年正月十一日臣僚言竊惟高宗寶錄開院已及七年功緒悠悠汗青無日竊見累朝置院終成寶錄所占年月少者止及二年多者不過五六年使見成書今高宗一朝通計三十六年自淳熙十五年肇端刊緝至今已踰六年脩撰檢討官共計三十一員而所修者僅及八九年爾又緣史官選改去住不常已修下者亦多首尾不接未成年分終然放墜埋塞使貽譏或德不以時著較甚非聖朝所以追遠揚烈昭示萬世之意竊見故事從來修書必立程限謹按乾興元年十一月判史館李維及修撰宋綬言當館舊四人今只臣等二人欲望擇館閣官二員充編修官遂詔集賢校理王舉正館閣校理李淑同共編修所修凡一十三年限明年秋季修畢且據乾興故事十三年文字限三季書成今高宗三十六年之事除已修成外所餘二十餘年用乾興程限為準止合於一年半內了畢兼權操多故最大節目倍費考詳者如南京即位揚州渡江復辟之功親征之舉與夫偽楚偽齊叛料群盜之變行臺分鎮措置守禦之方隆佑過江西車駕幸明浙收復河南巡奉梓宮和戰議論之異同治軍理財之本末如此等事止在建炎紹興之初自十三年和議已定之後別無甚更章施置整比收簇積

加刊正不至甚難乞檢用故事嚴立近限庶幾上下奮興畢精殫力大典
早得成就使中興以來鴻猷偉績早與日月並垂宗社幸甚詔權置檢討
官三員限一年了畢七月二十日實錄院言勘會已降聖旨指揮依國朝
典故令擇日開院脩纂孝宗皇帝實錄申請下項一行移取會文字等依
典故以實錄院為名其印記就用國史院印記一乞依崇朝典故提舉實
錄院官脩撰同修撰檢討官提舉指司承受主管諸司並就見今差定員
額為之一依已降指揮擇日開院乞依修纂高宗皇帝實錄體例今本院
天文官選定日分照例施行一欲乞朝廷刻下日曆所將前來所進別本
并應合于用文字等並數發赴本院修纂一申奏行移并取索文字約束
等並依國史院并本院前役已得指揮體例施行一今來合要孝宗皇帝
朝曾任宰執侍從卿少監少職事等官及武臣判史以上并內侍都知押
班應被受收藏御製御筆手詔及奏詔奏議章疏劄子并判語日記家集
碑誌行狀謚議事述之類委守臣躬親詢訪如逐官其間有已物故者詢
其家子孫取索如部帙稍多就差人前去抄錄及委官照檢津發赴院仍
許校賦優賜幾帛多者推賞一今來修纂實錄合要自紹興二十三年六
月以後至淳熙十六年二月以前應于朝報六曹寺監題名并史部增添

省罷員關戶部州郡戶口數目敕令所增改州除條法國信所奉使名銜
國書欲乞並從本院取索抄錄照使如供報違限隱漏不實亦乞依紹興
元年四月八日史館已得指揮施行一合要修書人吏并諸色等人及提
舉諸司承受主管諸司下人吏等止乞就今來本院逐色人相兼祇應一
今未修纂實錄所有紙札公使錢更不創行申請止乞就用本院紙札公
使錢支破候將來書成日例行申請施行一今來申請畫一內如有未盡
事件續具申請施行從之十二月十八日詔令實錄院休典故編修孝宗
皇帝御製二年七月十四日實錄院言淳熙十五年六月二十七日奉旨
編修高宗皇帝御集即已行下諸路州軍提訪今已累年雖間有續進而
名件甚少今乞下內侍省於曾任德壽宮提舉提照之家御製御筆手札
石刻等文字搜訪應有實藏真本并元有抄錄下但干文字並令抄錄徑
送本院并內諸司及臣僚士庶之家應僧道有被受或收得前件御製等
文字者內外官司從本院取索諸州軍要守或通下所管縣鎮城寨宮觀
寺院等處搜訪候排年月抄錄點對無差漏實封中發本院如無處亦取
詣實文狀供申乞今逐路轉運司催促月具有無供申仍令三省樞密院
將建文紹興所得御筆盡行錄送以憑編類庶幾早得就緒從之

宋會要 監修國史

趙普太祖乾德二年正月以門下侍郎平章事集賢殿

大學士監修國史

故事宰相兼職皆內降制
處分今止用勅非舊典也

薛居正

開寶六年四月重修五代史吏部侍郎叅知政事命監
修時宰相趙普猶帶監修國史不月餘普罷居正入相
遂監修國史 太宗至道三年修太祖實錄時宰臣呂
端雖帶監修國史而不預焉其後重修太祖實錄遂詔
呂端與錢若水等同修端罷相李沆繼成焉 王旦真
宗景德二年監修國史畢士安卒時冠準止領集賢殿
大學士遂命叅知政事王旦權領史館事實為監修國
史之職後旦為相雖未兼監修其領史職如故 四年

詔修兩朝國史宰臣王旦為監修國史亦不宣制國史

成旦遂令監修如故

仁宗乾興元年

未改

十二月命

司徒兼侍中監修國史馮拯專切提舉監修真宗實錄

拯卒王欽若為相又命提舉編修

天聖五年二月命

宰臣監修國史王曾提舉修真宗國史修兩朝史時王

旦未領監修故特授詔曾已監修而再授勅為提舉蓋

一時之制也

慶曆三年三月制以宰臣呂夷簡罷相

守司徒監修國史

罷相而帶宰相任優延老臣也

九月以宰臣章得

象監修國史唐制監修國史館殿大學士皆降制書本

朝自趙普後或止以敕除非故事也初以呂夷簡罷相

為守司徒猶帶監修得象止除昭文館大學士至夷簡

致仕得象始領之 至和二年六月制以宰臣集賢殿
學士劉沆監修國史初除文彥博為昭文館大學士富
弼監修國史弼乃在舊相劉沆之上咸平四年故事呂
蒙正為昭文館大學士李沆監修國史向敏中集賢殿
大學士今所除蓋學士承旨楊察之誤尋帖麻改正之
嘉祐元年十二月命宰臣文彥博監修國史初除彥
博為昭文館大學士止兼譯經潤文使以劉沆為監修
國史至是沆罷彥博始帶監修國史 十年五月命宰
臣呂沆監修仁宗英宗兩朝國史元豐三年三月十一
日沆罷命王珪提舉五年六月史成珪賜銀絹千對衣
金帶改官聽辭免賜一子緋章服

宋會要 文官

司馬光熙寧二年十月九日翰林學士司馬光言近領
史館脩撰所有龍圖閣抄寫國史一部欲乞依仁宗時
所降指揮本院收掌并新修仁宗英宗定錄亦各寫一
本留後院從之 王孝迪宣和四年六月十五日太宰
王黼等表奏哲宗皇帝正史帝紀表志傳總二百一十
卷詔提舉官王黼脩史官吏部尚書王孝迪等並轉兩
官

末會要脩撰

哲宗元祐元年三月二十八日詔集賢殿脩撰直龍圖閣直集賢院直秘閣集賢校理已上職今後內外官並許帶紹聖二年四月三日詔職事官罷帶職非職事官仍舊許帶易集賢院學士為集賢殿脩撰直集賢院為直秘閣集賢校理為秘閣校理見帶人並改正徽宗政和六年四月十日御筆集賢殿無此名秘書省殿以右文殿為名見任集賢殿脩撰並改作右文殿脩撰高宗建炎四年五月十一日詔集英殿脩撰鄭僑年改除直秘閣依舊添差泉州通判以臣僚言祖宗以來崇尚館閣直館校理居職之久次者始遷為脩撰亦有進擢欲至侍從而為之者元祐紹聖間六曹侍郎帶權守者平出則除是職其重如之故貼職補外直館而下則有任通判差遣者矣未有以脩撰而為通判者也况集英脩撰在右文之上居貼職之首一轉而為待制若使俯就通判差遣輕重不倫實違舊章故有是命紹興元年十月十四日臣僚言近見起居舍人侯延慶除右文殿脩撰今又聞太常少卿蘇遼樞密檢詳諸房文字歐陽懋直餘待制與郡眾論皆以為疑少卿位在左右司員外郎之下檢詳又在具下今錄少卿檢詳除待制以出則自左右司郎官以上或有補外不知朝廷何

以虞之望詔大臣議所以處之使協公論詔蘇達歐陽慤並除集賢殿脩撰與邵侯延慶降充祕閣修撰

宋會要脩撰

故事史館每月撰日曆皆判館與修撰官直官分功撰錄藏於本館國初循舊制皆脩撰官直官分季脩纂其後止修撰官及判館撰次焉太平興國中直史館趙鼎幾呂蒙正范杲皆曾脩撰自後以直館員多遂止修撰官編纂淳化四年翰林學士宋湜止帶脩國史亦嘗脩日曆太宗端拱二年五月史館年當館舊例差知書庫劉襄抄錄報狀供應撰日曆今緣宣命不得抄錄諸州雜報竊慮有悞編脩詔史官仍舊逐一抄錄淳化四年十二月太宗問宰臣今館中修撰是誰參知政事蘇易簡對曰楊徽之張佖梁周翰帝曰史才甚難在乎善惡必書務撫實而去憎愛斯為良史矣至道三年十一月以直昭文館李若拙為史館脩撰若拙上書自陳乃命學士院試制誥三道因有茲命真宗咸平三年九月監脩國史李沆言學士院二十九司合閤報詔書等文字編修日曆望頒朝命申誠攸司從之四年八月詔進奏院每五日一具報狀實封上史館五年十月益鐵使王嗣宗言自今三司奏事有可紀者請令判使一人撰錄送史館

詔以三司務繁若日有著撰必妨公務可令逐季錄送 大中祥符二年十一月詔史館別置楷書二人專掌抄寫日曆月給錢十五百米二石春冬衣賜膏五選候年滿日授外官勒留遇恩重與遷轉永不出外官時朝旨以所修日曆多涉機秘之事故也 九年八月以刑部郎中高紳為史

館脩撰紳即樞密使王欽若所引不令修纂止命權判吏部銓未幾紳求外郡尋授直昭文館自是領修撰者頗兩省五品以上方掌修撰天聖元年

石中立以戶部郎中充史館修撰有司引紳例亦不修日曆 天禧元年

三月二十四日以刑部郎中史館修撰高紳直昭文館知越州故事修撰

補外任則罷故命換職 乾興元年 仁宗即位未改元五月詔史館見修

光朝日曆委判館官已下疾速脩撰 史館修書皆無定所至是遂請權

就宣徽院修寫及令翰林儀鸞司御厨供應從之 十一月判館李維脩

撰末綬言富館修撰官舊四人今只臣等二人伏緣先朝文字自大中祥

符元年已後至今並未曾撰集卷秩浩大程限甚邇欲望擇館閣官二員

充編修官遂詔集賢校理王舉正館閣校勘李淑同共編修舉正等所集

書真宗朝而罷 仁宗天聖元年十月史館言日曆勒留官時到周應昌

自陳大中祥符二年入仕至今十五年祇應真宗一朝日曆了畢緣元條

不出外官伏見楷書抄寫中書樞密時政記起居注與日曆事體同並出外官當館者詳若不令出官今後無人承替欲望特與除授外官自今寫日曆楷書亦須候及十五年滿方除外官從之 皇祐三年三月四日詔新差知亳州翰林侍讀學士兼龍圖閣直學士給事中宋祁校集賢殿修撰以故事史館修撰不外領故易之也仍就任刑定新編唐書 嘉祐四年九月史館修撰歐陽修言史之為書以紀朝廷政事得失及臣下善惡功過宜藏之有司往時史官以本朝正史進入禁中而焚其草今史院惟守空司而已乞詔龍圖閣別寫一本下編修院以備討閱故事從之 神宗熙寧二年十月九日翰林學士司馬光言近領史館修撰所有龍圖閣抄寫國史一部欲乞依仁宗時所降指揮付本院收掌并新修仁宗英宗實錄亦各寫一本留本院從之

格下不空

宋會要

會要所

淳熙十六年三月十一日祕書省言本省編修會要已
進呈至淳熙十年十二月自淳熙十一年正月至淳熙
十六年正月見今接續編修仍自今年二月二日起修
今上皇帝會要其合行事件乞依前後已得指揮從之
紹熙元年七月八日詔參知政事葛邲權提舉編修
國朝會要十二月十二日詔參知政事胡晉臣權提舉
編修國朝會要三年五月四日祕書丞兼實錄院檢
討官沈有開等言恭依已降指揮至尊壽皇聖帝會要
與聖政同日進呈今具下項今來進呈會要合繕寫進

冊三本內一本俟進呈畢迎奉於祕閣安奉一本恭進
至尊壽皇聖帝一本留中乞依例委承受官傳進今來
進呈會要合差都大主管一員乞就差本省都大舉諸
司官並將來宿衛迎奉安奉應合行排辦事務亦乞就
委會要將來進呈前期提舉官以上觀書欲乞依例率
在朝前館職赴赴俟進呈畢乞於祕閣上會要殿子內
那移安奉今來進呈會要係皇帝恭進至尊壽皇聖帝
合用表文乞下學士院預期制撰恭進會要六複合用
黃羅套封乞委承受官進請御名降下封複以俟恭進
並從之 十二月二十三日祕書省上至尊壽皇聖帝
會要八十卷詳見修書儀注見玉牒所四年四月八日

詔右丞相葛郊提舉編修國朝會要七月二十五日祕
書省言本省舊有專知官一名係主管應干錢穀官物
從本省於副尉內指名踏逐抽差當時未曾盡到交替
指彈是致雜務使臣連界掌管因而失陷官物本省已
將舊界雜務使臣牒歸吏部別行踏逐乞依寺監通用
令專知官以二年立界如是界滿日從本省舊制再行
踏逐抽差庶使交替有期所掌官物易得明白從之
五年正月二十四日詔參知政事陳騄權提舉編修國
朝會要

宋會要

太史局

太史局舊名司天監元豐官制行政令名兩朝國史志
司天監監丞主簿春官正夏官正中官正秋官正靈臺
郎保章正挈壺正監及少闕則置判監事二人以五官
正以上充禮生五人曆生一人丞主簿及五官正以下
皆守其職掌察天文祥異鐘鼓刻漏寫造曆書供諸壇
祠祀告祭神名位版畫日天文院掌渾儀臺晝夜測驗
辰象以白於監測驗注記二人刻擇官八人監生無定
員押更十五人學生三十人鐘鼓院掌鐘鼓刻漏進牌
之事節級三人直官三人雜唱三人學生三十六人
神宗正史職官志太史局掌占天文及風雲氣候凡祀

冠婚喪葬則擇所用日其官有令有正有春官夏官秋
官秋官冬官正有丞有直長有靈臺郎有保章正而選
五官正以上業優考深者二人為判及同判局保章正
五年直長至今十年一選惟靈臺郎試中乃遷而挈壺
正無選法其別局有天文院鐘鼓院測渾儀刻漏所印
曆所皆主占驗曆法哲宗正史職官志同熙寧二年二
月提舉司天監司馬光言前代以來流星或大如杯斗
或有光燭地或有聲如雷動人耳目者方記於史籍以
為災異宋朝舊制司天監天文院翰林天文院測渾儀
所每夜專差學生數人臺上四面瞻望流星逐次以聞
及闕報史館緣流星每夜有之不可勝數本不繫國家

休咎雖令瞻望亦不能盡記虛費人工別無所益况測驗渾儀近置刻漏及專用渾儀考察七政以課諸曆疎密委實無暇更瞻望流星雲氣欲乞今後流星雲氣迹狀或異及於占書有占驗者委兩天文院具休咎以聞迹狀闕報史館外其測驗渾儀所更不令瞻望流星雲氣從之 六月提舉所言乞今後應司天監官員監生學生諸色人等除有朝廷指揮或本監差遣外並不得擅入皇親宮院其皇親亦不得擅勾喚如違並當嚴斷若犯別條刑名者自從重法從之 閏十一月十七日詔提舉所今後每歲春秋委提舉官與判監及測驗官夜於渾儀臺上指門逐人在天星宿若門士不識五星

以上者降充額外學生今後每遇兩天文院及渾儀所
正名學生有闕先於額外監生學生內揀試點識周天
星座取及八分已上最精熟者不以上名下次補充其
因過犯降充在額外者若經三年以上別無過犯並許
揀試其因疾患及不識天星降在額外者若經一年以
上所患痊愈及習識精熟者亦許揀試若額外監生學
生無可揀選許於守闕學生內依此揀試補充逐處正
名學生仍候補入兩月以上祇應本屬官員保明方支
本處請給若自補充三處正色以後五周年已上習算
天文三式經書精熟許乞試中補充監生仍舊祇應其
不經試中在天星宿者不許應天文科應翰林天文院

并鐘鼓院學生闕人並須以本監人子孫補充曾兩犯私罪者亦不得補充若已在翰林天文院并鐘鼓院今後兩犯私罪並勒出於本監額外收管今後節級雖年限滿別無私罪元不曾試中三科者並須量試一科藝業十道內及四通以上者方得轉充保章正仍在逐年本科額內不才者更候一周年已上再許就試 熙寧三年十二月詔司天監每有占候須依經具吉凶以聞如隱情不言善惡有人駁難蒙昧朝廷判監已下並劾罪以聞 四年二月二十三日詔民間毋得私印造曆日令司天監選官官自印賣其所得之息均給在監官屬以近罷差本監官在京庫務及倉場監門也 元豐

元年十二月二十三日提舉司天監所言先被旨應館閣所藏及私家所有陰陽之書並錄本校定置庫收掌今編成七百一十九卷乞上殿進呈從之 三年三月

十一日詔自今歲降大小曆本付川廣福建江浙荆湖路轉運司印賣不得抑配其前歲終市輕齎物付綱送曆日所餘路聽商人指定路分賣 六月十三日詔權

判司天監丁洵權同主管司天監周琮各補一子若孫充額外學生洵二十九年不磨堪琮領監事二十六年未嘗為子孫乞恩故皆及之 四年十一月二十六日

詔翰林侍讀學生朝奉大夫知審官東院錢藻兼提舉司天監 五年六月十六日詔司天監曆筭天文三式

三科令丞主簿並減罷 以冬官正王賡言因減罷司
天監官監倉草場門故增置三令丞主簿於職事無補
故也 六年七月十八日太史局保章正馮士安等言
大內南景靈宮建神御殿西創尚書省緣大內為陽宅
景靈宮為陰宅依經刑在西方禍在南方福在北方德
在東方準二宅經犯北則報南脩東則治西今犯刑禍
宜急治東北則吉詔送秘書省勒太史局衆官定士安
等所言脩造及私宅法既而本局官言今國家建神御
殿尚書省經國體相地宜擇時日而後治功其報治法
不可用詔士安等各降一資 徽宗崇寧四年十二月
五日太史局瞻望學生并鐘鼓院翰林天文局浮漏下

學生工匠等自今後年及七十并六十歲以眼昏脚疾之人並與帶舊請給額外養老收管 政和八年六月二十九日起居郎李彌遜奏太史局天文院崇天臺渾儀所隸祕書省今來頒朔布政既建府設官則太史局等處慮合撥隸明堂頒朔布政府庶幾體統相承治以類舉從之 宣和二年二月二十五日中奉大夫提舉襲慶府仙源縣景靈宮太極觀魏伯脩奏聖朝建官設局陰陽經書著於太史遇有選卜必先避國帝拘忌之日如甲日為受氣庚日辛日尅姓乙未大墓乙丑小墓等日皆不可用非特國家至於士庶亦從五姓各推五行而避之況今禮樂法度加惠四方車書渾同華夷共

貫燭陰陽考卜之法未及天下致太史經書內禁忌之
日公然選用天下之地莫非王土豈容中外有別乎伏
乞立法應官司考卜遇甲庚辛及乙未乙丑日其餘應
選之日委本局開具依此添入不許選用著於甲令頒
之天下取到太史局狀契勘應本路州軍並是國家事
凡用日時隨其事宜合行選擇回避皇帝年命及國音
尅姓受氣大小墓無妨礙外其餘方可隨事選擇所宜
所忌用事吉日從之 九月詔太史局測驗渾儀刻漏
所合臺節級與卒伍同例自今後改作司辰 四年五
月二十七日判太史局周彤奏乞今後應諸路轉運司
每年收到曆日淨利錢並限次年四月一日已前依條

起發上京送納盡絕如違令本路轉運司取索點檢究
治施行詔違限如上供法 靖康元年七月十七日詔
太史局自今後應諸處勾喚并取索事干天文字等先
具奏聞聽旨前去 閏十一月二十一日詔天文局翰
林天文官係屬應奉御前天文休咎之人並不許諸司
踏逐指名抽差雖被到不拘常制特旨等許差指揮並
不發遣太史局同 高宗建炎元年五月六日詔今後
如有太陽太陰五星躔度凌犯或非泛星雲氣候所生
休咎災福令太史局翰林天文局依經書實具聞奏如
敢隱蔽當從軍法 二年二月二日詔天文局太史局
自今後除奏報御前外並不許報諸處 六月二十六

日詔翰林天文局太史局瞻望學生見闕頗多可於太史局等處逐急指名抽差補填見闕到局依條合得例物令行在左藏庫等處限一日支給所有逐局已取窠闕仰太史局却於額外人內踏逐補填候回鑒日依舊試補 三年三月二日詔記元曆經等文字如人戶收到并習學之家特與赦罪赴行在太史局送納當議優與推恩行在太史局言合要紀元曆經本立成二冊崇天曆經本立成二冊大衍曆經本立成二冊大宋天文書并目錄一十六冊景祐乾象占三十冊乙巳占一十冊乙巳畧例一十二冊古今通占三十冊圖本六十五冊甲太乙一十三冊天文總論一十二冊握掌占一十冊

風角集二冊地里新書一十冊四季萬年曆四冊編造
下來年庚戌歲頒賜兵氏庶曆本草降六冊運氣纂一
冊洪範政鑒一十三冊祥累三冊故有是命 四月十
三日詔翰林天文局併歸太史局 五月十四日詔太
史局天文官吳師顏郭中泰呂燦自今後許將帶學生
內中止宿祇備宣問天象 紹興元年三月十八日詔
乾象通鑑興舊書參用差訛並依經改正 太史局言
入內侍省東頭供奉官幹辦御樂院邵諤付下天文
官吳師顏等奏臣等承御前降到乾象通鑑一百卷謹
校勘到差訛去處畧舉數事開具下項一鎮星居心本
是大人有喜却作有憂一鎮星犯房本是兵憂却作兵

慶一歲星占內漏南方之宿所主一周天星座內漏虎
賁一占一軍門南星合在奎宿內却作婁宿度內并雜
座星入宿度並差一月占內大縮字却作大漏字一石
旗本是九星却作十星一二星合後漏慧字二占一太
尊虎賁軍門並是黃星進賢係黑星并作赤星一晉元
帝應驗王敦舉兵逼京師本是禍及忠賢却作福字已
上開具外其餘即與本局見行乾象占書所主灾禍頗
同所定是實故有是命 二年六月十四日詔西安進
士陳元昉製造到刻漏一座已送尚書省元昉男特令
太史局量試補充額內局生依條支破請給從宰臣呂
頤浩請也 七月四日詔太史局生李繼宗宋公庠趙

祺為演求紀元立成法推步氣朔七政可以頒朔特並
補保章正差充太史局同知算造 三年正月二十三
日詔今後曆日須管於十月上旬頒降了當仍以四本
作兩次入遞其賣到錢赴行在推貨務送納提點廣南
路轉運判官章傑言國家歲頒曆日以賜郡臣外暨監
司郡守唯是嶺山遐遠郵傳稽遲每歲賜曆及降下曆
日樣常是春深方到歲初數日莫知晦朔之辯故有是
命 七月六日詔曆日所合書天文等事令太史局依
舊每月實封供申 九月十一日詔太史局依舊每月
具天文祥異實封供申中書門下後省從起居郎曾統
請也 十一月二十九日詔太史局額外學生並依本

局試補子弟舊法許召募草澤投試 十二月一日詔
太史局額外學生以十人為額舊法各以三十人為額
分兩番祇應至是省之 五年閏二月十日詔太史局
重造新曆布衣陳得一支破保義郎券一道月給厨食
錢二十貫文親隨一名支破進武副券一道日支食錢
二百文太史局判局輪過局一名日支食錢五百文算
造官每人各日支食錢四百文司辰局學生人吏每人
各於見今食錢上每日貼支食錢三百文並不理為名
色次數內陳得一并親隨下戶部出給券曆并本所合
用攢造曆書紙扎油炭之類并逐時聚議犒設合用雜
支錢每月批錢一百貫文從秘書少監朱震請也 九

年五月六日詔太史局禮生頭名滿五年通到局及二十年與補進義副尉 秘書省申明太史局禮生乞依翰林天文局醫官局人史出職條法禮部勘會欲將太史局禮生補至頭名及五年通到及二十年與補進義副尉不與指射差遣勅令所看詳元豐法禮生係頭名及三年通入仕一十五年補進義副尉所攀天文醫官局係前行滿三年通到局及十年與補進義副尉仍指射優輕差遣一次又緣太史局與天文局係一般官司兼天文局手分止是一名為額易得出職太史局却係六人為額以禮曆生遞遷至頭名方許出職雖無干咎其禮生亦合立定出職條法故有是命 十年八月十

日詔太史局額外學生依本局所申權行收試一次候
召募試補了當如日後再有闕即依自來試法 先是
太史局言本局額外學生權以十人為額紹興三年十
一月二十九日指揮並依本局試補子弟舊法召募草
澤人投試自降指揮到今八年外人懼見試法兼請受
微薄無人投試今來欲權召募草澤之人曆筭者於宣
明大衍崇天三經大曆內能習一經氣節一年三歲者
試驗六士大經五行法四課三傳決斷神將所主灾福
天文者試驗在天二十八宿及質問天星如試驗得中
補額外學生填舊額人數庶得不致闕悞故有是命
十二年十月十七日詔太史局額外學生通見額權以

二十五人為額曾召募莫澤尊依紹興十年八月十日
已降指揮再行試補一次十一月七日詔四院司辰請
給令戶部措置增添戶部看詳今據糧料院申太史天
文局鐘鼓院渾儀刻漏所見管司辰等所請不一在京
舊請并昨自車駕巡幸各人添破日支食錢二百一十
文月支贍家錢三貫文外今欲將太史局額外學生每
月增錢五貫文司辰局學生每月增錢四貫文陰陽官
刻漏所局學生天文局司辰太史生玉漏學生鐘鼓院
局學生舊法學生每月增錢三貫文太史局禮曆生守
闕禮生每月增錢二貫文並於見請贍家錢內增添併
作一色仍自今降指揮日為始從之同日詔太史局額

外學生額依舊制 祕書少監秦熈言額外學生熙豐
舊法以五十人為額紹興三年十一月權以十人為額
分布不行故有是命 十二月二十七日詔太史局除
子弟依條合行附試全經仍許召募草澤遵依紹興十
年八月十日已降指揮再行試補一次從本局請也
十三年二月十二日詔降賜日自紹興十四年為始依
舊例申樞密院降宣附局入遞頒賜在外知州府軍監
及監司臣僚軍興以來至是因廣西漕掣紹祖之請從
之 十四年三月十一日詔翰林天文局瞻望天象學
生依法太史局額內學生內試填其太史局天數不多
可特於太史局天文院額外學生內指差填見闕權名

祇應依鐘鼓院守闕權名學生例添破請給候試補到
正八發遣今後准此 二十年七月五日詔武經郎吳
師顏可罷判太史局送吏部與江西監當差遣二十七
年正月九日太史局待守闕禮生三名減罷候額內有
闕日依名次撥填太史局行遣文字禮曆生三名曆生
一名闕禮生二名共六名為額至是以裁吏額故有是
命 五月二日詔太史局見管額外局學生自今後遇
有事故不赴及試充額內之人所有退下名闕從本局
闕報所屬開落名糧更不招收試補自後止遵依勅令
所脩到格法以十人為定數若將來額外學生依格法
有闕日即依條試補施行從本局請也 三十一年六

月二十二日詔太使局官瞻視鹵莽奏彗星不見各降
一命 紹興三十二年 孝宗己即位未改元 六月十三
日詔太史局每日輪差主管文德殿鐘鼓院官一員司
辰直官局學生通輪二人赴德壽宮祇應 隆興元年
七月十二日詔判太史局李繼宗特降一官以臣僚言
近日天出變異繼宗不即奏聞故有是命 十三日詔
天文局官王伯祚以天象之見不即奏聞緣臣僚奏陳
方始具奏特降一官從殿中侍御史周操請也 八月
十七日太史局言依指揮條具併省吏額本局天文院
司辰額內瞻望局學生各十人各減二人額外局學生
三十人減六人並以試補到司月日從下裁減司曆曆

生六人減一人行遣文字人吏禮曆生四人即無可減
從之 十月十二日詔太局靈臺郎楊覺民祖世賢李
彥通張仲該遇覃恩轉官合轉直長有疑本局試法候
試補直長了日收使 乾道四年五月十三日禮部言
太史局每歲纂注到曆日永指揮下兩浙轉運司雕造
訖將板送秘書省印造頒賜交趾國及內外臣僚外板
即無用昨秘書省申請到將運司版送推貨務印造上
除去臣字每本立價三百文出賣專委提轄檢察不得
盜印從之 十一月三日秘書少監汪大猷等言契勘
近得旨令秘書省根究來年己丑歲太陰九道宿度箋
注御覽詰實本省累集太史局官赴省參攷各執已見

互有不同伏見朝廷考定新舊曆法曾差單時禮部程大昌李壽同往太史局測驗備知疎密詳悉今欲兼差單時等三員就御史臺或本省同共監集局官參筭早見諸實詔差單時程大昌李壽就御史臺同共集局官參等 六年二月十一日禮部言太史局昨降指揮權用乾道曆推筭乾道六年庚寅歲頒賜曆日所有乾道七年辛卯歲曆日未審合用是何推筭詔更用乾道曆推筭十年 八年二月六日禮部言亦准指揮權用乾道曆推筭乾道八年頒賜曆日所有乾道九年癸巳歲曆日未審合用是何曆書推筭詔更權用乾道曆推筭一年以上乾道會要測驗渾儀刻漏所高宗紹興二年

九月七日太史局令丁師仁等言依元降渾儀法式製造渾儀所有法要九冊見在天文局權欲乞闕借參照使用詔依仍限一月製造了畢三年十二月一日詔測驗渾儀漏刻所學生以十人為額舊法以三十人為額分番祇應至是省之二十七年正月九日詔渾儀漏刻所手入一名緣本所係與太史局袞同祇應可減罷今後更不差置以裁定吏額也以上中興會要孝宗隆興元年八月十七日本所言司辰額內瞻望局學生十人乞減二人從之以減吏額故也以上乾道會要鐘鼓院高宗紹興三年十二月一日詔德德殿鐘鼓院學生以十人為額舊法以三十人為額分兩番祇應至是省

之二十年八月十一日詔文德殿鐘鼓院以二十人為額依法試驗差取如不足於太史局額外學生內依天文局法指差權名填闕祇應請給等並依天文局體例候試補到正人發遣二十七年正月九日詔鐘鼓院手分一名緣本所係與太史局袞同祇祇應可減罷今後更不差人以裁定吏額也以上中興會要孝宗隆興元年八月十七日本院言司辰局學生二十人乞減二人從之以減吏額故也以上乾道會要

淳熙元年三月十一日樞密院檢詳諸房文字柴瑾等官太史局學生子弟附試五場並係曆算一科即無試天文三式二科之人近來曆算異同交蝕差錯皆藝業不精所致欲將

學生六人取三人子弟四十八人取十人為合格餘並黜落候將來精習三科別行附試各選三通為合格從之四月二十三日禮部言太史局安奉天地祖宗日月星辰歲瀆諸位神版乞各用匣盛貯嚴潔安奉每遇祠祭將合設神位版別匣盛貯祠前一日用腰擗擎覆以黃帕奉赴祠所設幄安奉以俟鋪設行禮從之著作佐郎楊恂言諸神位版重疊堆積不稱寅奉之意事下禮部故有此請七月十六日詔荆大聲推避職事可罰俸兩月吳澤劉孝榮特與放罪以大聲狀乞不干預奏日蝕事故也十月二十六日祕書省言太史局官藝業不精推步車繆昨乾道九年五月一日定日蝕不驗今

又稱十一月朔日蝕十分恐有差誤乞令判局官以下
凡在局者各以已具推算時刻分數申省將來攷校中
否以行陟黜從之既而十一月四日詔吳澤等八人推
算互有不同及稱無已見者五十三人並令祕書省責
戒勵仍根究元造曆人罰俸一月 十二月五日詔太
史局許召草澤人混試國子司業戴先言太史局類試
局生止差局官考試優庇子弟收補在局無緣藝業精
熟欲依紹熙三年十年十二年指揮召草澤人就試庶
得公選故有是命 二年四月十六日太史局言乞自
今遇曆生闕許於諸處司辰局學生試補其試中曆生
人再試中局生一資候至頭名方許補充司曆出職從

之 十月十四日執政進呈太史局官制上曰古者日
官居卿以底日今太史局官制太輕且如醫官有大夫
數階太史局無之可創大夫階如醫官保安和安之類
庶幾稍重其事先是吳澤乞改換章服上因宣諭執政
曰太史局官名秩太卑微今醫官往往兼遙郡之職又
似過於優厚龔茂良等奏太史乃古羲和之官歷代沿
革不同至國朝或用他官兼判嘗有同判之名以朝官
充掌今祇置局令及五官正視古為輕欲令祕書省討
論典故以聞至是進呈 四年五月二十五日詔太史
局官序服色磨勘請給奏薦封贈等可並依醫官見行
格法 八月十四日詔太史局丞許服緋挈壺正至局

丞若充判太史局帶權字冬官正至春官正服紫紅鞋
並依醫官見行格法 九月一日詔太史局正令兩階
今已除去其局令李繼宗孫隨龍可特與換中官大夫
局令吳澤可特與換冬官大夫並依舊判太史局 四
日詔太史局等處曾經試中額內學生祇應實及五年
與補局生額內外局生比試挈壺正靈臺郎試直長可
自來年依在京法應合格並補充測驗渾儀刻漏所同
五年五月二十四日詔太史局等處官生學生可用紀
元曆依已降指揮附試六月一日詔太史局子弟并草
澤特令與今來官附試七年六月十日詔太史局天文
官四員內差一員充主管翰林天文局官外自天文官

止以三員為額上以翰林天文官循習弛慢掌事不專
皆由太史局無主管專提督官故有是詔九月十一日
詔太史局等處額內局學生年及七十以上願養老者
聽帶本身請給養老測驗渾儀刻漏所同九年正月二
十六日詔太史局額外祠祭局學生以二十人為額見
闕八人可令本局諸院官生子弟輪用統天曆於今歲
春場附試合格人撥填正闕自後遇闕三人依此收試
十年四月二十二日吏部言判太史局李繼宗吳澤
奏薦事臣僚奏乞令給舍參酌祖宗法制詳議詔吏部
勘當以聞自後奏薦皆不舉行十月十三日尚書省言
淳熙十一年甲辰歲曆日內有錯字詔李繼宗放罷吳

澤荆大聲劉孝榮各特降一官令臨安府根追書寫及
雕字人各一名從杖一百科罪 十二年九月十七日
詔太史局冬官正劉孝榮特展二年磨勘以祕書省言
太史局隸本省孝榮擅經朝廷陳乞男居仁渾儀所主
管官差遣輒用私劄以七曜細行文字私傳出外封送
省官意望相庇廢棄法令有礙條禁乞賜懲治故有是
命 十四年二月十九日詔太史局咸守闕禮生一人
以司農少卿吳煥議減冗食下敕令所裁定故有是命
九月二十二日詔判太史局并主管官遇闕並於纂
造官內陞差靈臺郎試補直長子弟試補額外學生可
自來春銓試為始三年一次用崇天紀元統元曆輪試

其攷試官輒徇私曲或告論鞠勘不實並依條科罪不
蔭論應子弟曾犯刑決刺劊者不許收試以上孝宗會
要紹熙二年二月十六日詔今年春銓太史局子弟附
試緣為大禮年分闕人應奉可依條應三通一粗合格
者並特與收取一次從上補完額外學生撥填見闕餘
人並作守闕額外學生候有正闕日依名次撥入方許
支破請給日後不得援例 同日詔太史局改造會元
新曆有勞劉孝榮特差判太史局男學生劉景仁特與
補挈壺正內吳澤荆大聲周端友劉居仁吳天錫樂中
道朱希孟錢華國蓋孝楊各特減二年磨勘 三年三
月十六日詔承信郎周彥端為先在太史局曾習禁書

之人可特與換補太史局掣壺正候鐘鼓院主管筭造
官及渾儀所主管官有闕日令大史局差填 七月二
十四日詔秉義郎楊忠輔特換補太史局直長承節郎
趙渙特換補保章正文學石萬特換補掣壺正逐人為
通曉曆書並差權同知筭造請給依正官例支破
月二日詔秉義郎楊忠輔與改換太史局丞以上光會
要紹熙五年閏十月十九日詔提舉太史局差權戶部
侍郎薛叔似既而叔似言檢照宋朝典故司天監差大
兩省一員提舉合用印令鑄造今來提舉太史局正是
舉行宋朝故事合用印記乞下文思院鑄造以提舉太
史局印六字為文凡係占候公事各令屬官依久例自

奏外餘並取提舉指揮今來置提舉官所有日奏及合
申去處亦合照宋朝典故令屬官自奏申外如遇有天
象風雲氣候等凌犯占屬官書下休咎申提舉官或徑
乞入對或具奏狀密封投進所有奏狀乞於通政司用
黃袋具提舉太史局臣姓名封許非時進直達御前
拆封太史局久隸祕書省今來從臣僚請舉行故事差
提舉官設或躔度稍異自當入告以圖消弭外其餘合
行事件並乞依舊隸祕書省施行令關牒提舉所照應
所有合置辦黃袋及紙札之類乞逐季於臨安府關支
錢一十貫文付本局置曆收附支用提舉所合有行遣
文字吏人二名相兼行遣除本身請給外每月特添破

茶湯錢六貫文逐月於太史局大曆內幫支司天監初
差大兩省一員提舉令取索日後條貫看詳遵守內有
未便事即具奏請從之慶元元年十月四日軍執進
呈太史局提舉官薛叔似以臣僚論罷所掌天文祥異
不可時暫闕官上曰係近日創置今不湏差有合奏報
事依舊例徑行申奏余端禮等奏謹遵聖訓慶元二
年四月十四日臣僚言國家祭祀遣官分職非不嚴切
而御書天地祖宗神位無官主之未盡尊敬之義乞令
太史局差專一主管從之初以學生鄧浩主管未久特
補挈壺正請給依鐘鼓院主管官則例支破後四年二
月詔保章正充鐘鼓院星漏官尹士通特改差太史局

主管御書神位官與鄧浩以二員為額見任人且令依舊日後遇事故更不作闕 四年八月五日詔太史局占候須管祕書省官逐時覺察毋令隱匿 五年二月六日司農太府寺審定編類請給總籍條冊太史局天文官等所幫一百二十餘員緣當來謂之有官人不曾裁減淳熙四年所幫九十三人今見幫一百二十五人比之淳熙四年已多三十二人若不限制將來又恐源源不已欲將太史局天文局鐘鼓院官至局學生通以一百人為額見在人且令依舊日後事故更不作闕其所減人數令太史局官公共相度條具申尚書省詔依日後輒敢巧作緣故添置闕額雖劃到指揮仰戶部執奏更

不施行如糧料院隱庇不即具申戶部擅自批放請給
官吏一例重行責罰既而太史局言叅照條具判局官
四員主管翰林天文局一員天文官三員鐘鼓院主管
官二員同知筭造六員共二十職係永任內同知筭造
五職目今天文官主管官相兼外秤漏官一員曆筭官
三員主管御書神位官一員見任官二十員及酉點天
文日狀官二員主管影表官一員主管刻漏官一員主
管書籍官一員星漏官二員依條理任二項計三十二
職見任官二十七員今乞以二十七員立為定額天文
院渾儀所司辰額內瞻望局學生兩院一十人為額共
二十人天文院額外祠祭局學生一十八人為額書寫

御覽曆生三人為額鐘鼓院司辰局學生一十五人為額翰林天文局司辰額內瞻望局學士一十五人為額特補玉漏學生二人為額從之嘉泰元年四月十九日詔將舊開元宮并內侍楊榮顯所居並改充太史局舊太史局併入太歲殿嘉定四年八月十三日祕書省著作郎丁端祖言太史局專法局生與靈臺郎皆合試補靈臺郎候及二年遇直長問須候曆筭天文選取藝業最優者充直長不許理年磨勘淳熙四年朝廷嘗令吏禮部祕書省參酌比擬條具續准指揮局生與靈臺郎依太史局專法候試中方許轉補成法照然今局生試補既皆碌碌庸人而靈臺郎過直長皆用泛賞轉行

而試補之法遂廢冀其推步之精詳節候之不差難矣
乞降睿旨凡局生轉挈壺正靈臺郎轉直長先須選擇
考官試其藝業委見精通方許轉行如畧無可采不許
徇情充數且令習學再試考中續令序遷庶幾凡在局
者不致苟簡坐糜廩稍從之 八年四月二十七日臣
僚言兩年以來太史所占天文妖異之變遷就飾說乞
詔旨戒敕太史局自今占天須管一一作經按古具吉
凶聞奏倘隱情誣合或將私寫占驗文書牽合為證委
御史臺覺察彈奏必罰無貸庶幾仰稱陛下兢業畏天
之誠亦得以先事省憂消弭災變從之

續宋會要國史日曆所

淳熙元年六月一日著作郎本待問言本所建修太上
皇帝日曆乞下六曹合屬等處俾遵舊制關報本所仍

從本所逐時取索檢照如有漏落不報即依專法施行
詔如違戾去處令本所具當行人吏姓名申尚書省
三年二月二十四日秘書監李燾言太上皇帝日曆成
書已擇日進呈其合立臣僚傳尚有取索未足去處見
行催促候到即類聚修立續行添入從之 三月三日
國史日曆所上光堯壽聖憲天體道性仁誠德經武緯
文太上皇帝日曆一千卷詳見修書九月八日秘書少
監陳騭等言本所見修今上皇帝日曆法禁嚴密乞檢
會玉牒所敕令所例給降黃榜赴所約束從之 六年
三月十八日國史日曆所修今上皇帝日曆成一千一
百五十五卷詳見修書十四年正月三日詔國史日曆

所史額待闕楷書五人內減二人存留書庫官減一人
止存留點檢文字一人書庫官二人通以三人為額候
離司到部罷以司農少卿吳煥議減冗食下敕令所裁
定故有是命十六年二月二十七日國史日歷所言本
所見修至尊壽皇帝日歷昨於淳熙六年三月內奏知
篇秩已修至淳熙四年十二月終今再自淳熙五年正
月一日接續修纂乞以至尊壽皇帝日歷為名今上
皇帝登極始生符瑞及初封進封出閣以至登寶位及
藩邸東宮舊條編類中所從之 三月十一日祕書省
言今上皇帝會要自今年二月二日以後接續起修所
有開局日分乞下太史局選定施行其應干合行事件

依前後已得指揮從之 二十一日國史日歷所言編
類壽皇聖帝典章法度乞以至尊壽皇帝聖政為名今
來編聖政乞從舊例就監修國史提舉以提舉編類聖
政繫銜所修聖政文字欽乞每月就監修國史過局日
聚議供呈今來起修聖政文字合行開局乞下太史局
選定日分昨來本所進修光堯壽皇太上皇帝聖政添
置檢討官二員以館職兼仍以兼國史所^日歷所編類聖
政檢討官繫銜即不干預修纂日歷本所官祕書監少
著作郎佐同預編類就用本所應干國史文字照使應
干行移係今日歷所人吏充行遣其取會文字并漏泄
條禁並依本所前後已得指揮仍乞就用日歷所印記

行使檢討官二員合破御厨第三等折食錢不理為名
色次數修著官吏每季合破修書紙劄朱紅并入冬煖
硯木炭並依本所修書已得指揮行下雜買務臨安府
吏取及遇節取給茶酒并月節酒從本所報諸司照會
施行修纂聖政文字浩瀚本所人吏除見管額外更不
添置如遇文字冗併日依例雇工書寫及應干支用合
於公使錢內支破依例每月入厯批勘一百貫文充前
項支遣合用修書紙札朱紅物帛等從本所逐旋具的
確合用數目呈稟監修國史下雜買務收買應副本所
應有合行事件乞依昨修聖政前後已得指揮施行從
之 閏五月一日詔知樞密院事兼參知政事王蘭權

監修國史 六月十六日秘書省著作佐郎黃唐等言
國史日歷所見接續修纂至尊壽皇聖帝日歷乞依體
例責限成書庶幾聖時典章早得進呈詔依仍限半年
既而七月九日黃唐等言本所修纂至尊壽皇聖帝日
歷每月依^例止修一月今來接續編類自淳熙五年正
正月至十六年計一十年零一個月乞依淳熙五年七
月指揮每月旋行奏知庶使官吏以為課程早得辦集
日歷內有三省宣諭聖語中書門下省時政記樞院時
政記聖語中書門下省起居注未降下月分乞下逐處
催促施行一修纂日歷見闕淳熙十三年正月至十六
年正月分御殿排日乞下閣門疾速編類送所一合將

昨來奏知日歷篇帙起自紹興三十二年六月十一日
至淳熙四年十二月與自今接續所修日歷通為一書
寫成副本約為二千卷依淳熙六年體每卷約五千字
雇工錢四百五十文紙四十五張刷黃紙二張共合用
雇工錢九百貫文三省紙九萬張刷黃紙四十張乞割
付戶部下所屬依數應副一日歷內合用修立臣僚傳
文臣宰執至卿監武臣自使相至刺史合行取索行狀
墓誌尚未到者乞下禮部通牒所在取索如內有曾經
請謚者許本所一面移文太常寺逐旋關借墓誌行狀
照用一修寫副本就緒續日行條具書寫進冊禮例中
請拔進一所修日歷事干取索務要詳備委是浩繁照

得淳熙六年奏篇帙係祕書省人相兼攢類書寫更不
支破請給每月於戶部支降錢一百七十貫文充貼支
食錢今乞依例支給並從之 十二月二十六日祕書
監楊萬里等言國史日厯所修寫至尊壽皇聖帝日厯
進冊三本合行事件下項照得今來修寫進冊每本約
計一千五百餘萬字三本共計合用雇工錢九千餘貫
乞下戶部直支會子并支欄界朱紅三百兩每本用貢
餘紙四萬五千張內小本一部用二萬二千五百張并
裝物帛等本所裝界匠三人趣辦欄界委是不前乞下
臨安府差撥五名併手趣辦今來進呈日厯乞並依淳
熙三年進呈日厯體例施行務從簡省詔雇工錢朱紅

令戶部支給紙并裝背物帛仰臨安府應副餘並依續
具申請今來御殿進呈至尊壽皇聖帝日曆依禮例合
進請第一卷上五版自來係修撰官進讀乞差官施行
合用泛支錢物依淳熙三年體例從省減半合支給一
千五百貫欲下戶部於左藏庫支供將來進呈了畢所
有留中小本依例就委本所承受官傳進皇帝恭進至
尊壽皇聖帝日曆本所作八十複合用黃羅套封委本
所承受官進請御名降下封複以俟奉進合用表文欲
乞下學士院修撰詔並依進讀官差楊萬里八月十六
日國史日曆所上至尊壽皇聖帝日曆二千卷詳見修
書門
紹熙五年閏十月十六日祕書省著作郎王容等

言本所修纂太上皇帝日曆并上皇帝日曆合行申請
 一本所見修太上皇帝日曆依已降指揮自熙十六年
 二月二日起修見行修纂今欲候將來書成日申請進
 呈仍以太上皇帝日曆為名 一恭親今上皇帝登極
 修纂日曆合自紹熙五年七月五日起修所有開局日
 分欲乞下太史局選定 一合要登寶位及藩邸盛述
 等事并應于合照修文字乞朝廷割下隨龍祇應官屬
 藩邸舊僚限在日近編類中所 一本所舊有提舉諸
 司承受御藥主管諸司官今來更不差置所有開局并
 將來進書合行事件乞就便差實錄院提舉諸司官等
 相兼排辦施行並從之 慶元元年八月十八日秘書

省著作郎王與等言本所見修太上皇帝日歷自淳熙十六年二月至紹熙五年七月乞依例責限修纂成書庶得聖父一朝典冊早遂進呈詔限一年二年九月二十一日兵部尚書張叔椿言爰自陛下即位以來臨朝聽政一言一動則左右史書之延英漏下每對宰臣所得聖語則有時政記載之至於詔令謨訓賞罰刑政降授拜罷則有日歷所記之獨於皇帝始生符瑞潛邸聖德事蹟顧乃闕而未備恭觀國史列聖相承皆是登大位後剏付潛邸臣僚俾之討論纂日修呈然後付之玉牒所史館特書大書將使鏤之玉牒藏之金匱以為子孫萬世之大寶既而內侍王德誦言恭惟上聖之作

必有異聞德謙備數宮中一一親得其實紀述聖德別具冊恭戴進城乞宣付使館並從之六年二月二十二日國史日歷所上聖安壽仁太上皇帝日歷三百卷詳見修書門嘉慶二年十一月十四日秘書監曾煥等言昨來進呈聖安壽仁太上皇帝日歷緣其間多有重複紛錯欲乞再行修潤進呈壽康宮并宮中日歷小本各一部乞降下本所重別書寫傳進仍乞以光宗皇帝日歷為名從之十六日奏今上皇帝日歷五百一十卷篇帙詳見修書門嘉定二年三月十三日右正言黃中言史者國之大典所以垂勸戒而示萬世者也然史院之編修以日歷為根柢日歷之紀次以時政記起居

注與諸司之關報為依據今起居注所述不過除日辭
見及常程奏請之類聖君之言動大臣之謀議事關得
失者皆不錄時政記亦然然則欲盡記國之大體以傳
示無窮胡可得哉昔歐陽修上疏乞特詔修時政記起
居注之臣並書德音宣諭臣下奏對之語其他大事許
史院據聞見書之可謂得置史之本意矣欲望明降睿
旨自今時政記起居注悉用此法修述庶幾朝廷之事
本末明備可示勸懲臣昨備位著庭竊見陛下初元日
厯所載龍飛事迹甚為疎略時權臣用事欲盡奄為已
功阿附之徒竄易舊文併焚其藁不知先皇之付託祖
后之擁祐大臣之奉行天下共知焉可誣也然不及今

判定何以傳信方來欲望仍降睿旨今日歷所亟加討
論日下釐正又韓侂冑平章國事變實多妄開兵端流
毒生民事係社稷不宜闕遺迹之數年文牒散失跡狀
何由顯白乞今日歷所及時宸集始終事節并所見聞
詳加銓次若時政起居注或有稽違許申提舉日歷
所催請仍望明諭大臣每歲終必稽修纂所至考其詳
畧而察其勤惰庶幾筆削有程而史職舉矣從之十
四年五月九日奏改正今上皇帝日歷五百一十卷篇
帙十五年九月八日詔玉牒所國史日歷所會要所
實錄院敕令所提舉官同提舉官下供檢文字今後正
差有官人以三年為任除自舊合德月給外仍與幫行

本身請俸既而續具申請許於得替待闕見任已未到部大小使臣選人校副尉及內外諸百官司不以有無拘礙踏逐祇應與理為資任通理前任月日其官司兼權人不妨本職祇應與理在司在職月日帶行見請請給內在部人不妨注按已有差遣及將來別授到新任之人並許權上件職事候闕到日許令前去之任仍舊兼權或不願赴上新任許令^行辟止若有私計不便之人許令一面解罷別行差人承填並以三年為任所有諸般請給等並自被差到所日不以名色次序幫勘支給從之

天文院掌渾儀臺晝夜測驗辰象以白于監測驗注記二人刻擇官八人
監生無定員押更十五人學生三十人 天文院

鐘鼓院掌文德殿鐘鼓柝刻漏進牌之事節級三人直官三人雜唱三人
學生三十六人高宗紹興三年十二月一日詔文德殿鐘鼓院學生以十
人為額舊法以三十人為額分兩番祇應至是省之二十年八月十一日
詔文德殿鐘院以二十人為額依法試驗差取如不足於太史局額外學
生內依天文局法指差權名填闕祇應請給等並天文局體例供試補到
正人發遣二十七年正月詔鐘鼓院手分一名緣本所係與太史局衆同
祇應可減罷今後更不差人以裁定吏額也孝宗隆興元年八月十七日
本院言司辰局學生二十人乞減工人從之以減吏額故也淳熙四年九

月四日詔鍾誠院曾經試中領內學生祇應實及五年與補局生額內外
局主此試掣^鍾正靈臺郎試直長可自來年依在京法應合格並補充七
年九月十三日詔鍾誠院額內局學生及七十以上額養老者聽帶本身
請給養老退下名關依條補填鍾誠院
大典卷一百六十六

宋會要刻漏所

高宗紹興三年十二月一日詔測驗渾儀刻漏所學生以十人為額舊法以三十人為額分番祇應至是省之二日十年正月九日詔渾儀刻漏所手分一名緣本所係與太史局來同祇應可減罷今後更不差置以裁定吏額也

大宋一萬九百四十